

MISSINGIUT

Inunniq paasissutissanik suliarinnittarneq pillugu inatsisip Kalaallit Nunaanni atuutilersinneqarnera pillugu peqqussut

UAGUT MARGRETHE APPAAT, Guutip Saammaanneranik Danmarkip Dronningia,
nalunaarpugut:

Inunniq paasissutissanik suliarinnittarneq pillugu inatsimmi § 83¹⁾ inatsit nr. 429, 31. maj 2000-imeersoq naapertorlugu, inunniq paasissutissanik suliarinnittarneq pillugu inatsit nr. 429, 31. maj 2000-imeersoq, inunniq paasissutissanik suliarinnittarneq pillugu inatsisikkut nr. 1245, 18. december 2012-ikkut allanngortinneqartoq, Lovtidendep aamma Ministerialtidendep saqqummersinneqartarneri pillugu inatsit, nasaat pillugit inatsit aamma akiitsullit toqqorsigallarnikkut akiitsuiarneqarsinnaatitaanerat pillugu inatsit (Inunniq paasissutissat nunanut isumaqatigiissummi peqataanngitsunut nuunneqartarnerat, Ministerialtidendep atorunnaarsinneqarnissa, nasaat il.il. politiinit suliarineqartarnerini pingarutaasa killilerneqarnissa) ima oqaasertalerlugu Kalaallit Nunaanni atuutsinneqassasoq aalajangersarneqarpoq:

Immikkoortoq I

Aallarniuttitut aalajangersakkat

Kapitali 1

Inatsisip atuuffia

§ 1. Paasissutissat elektroniskiusut atorlugit imaluunniit inunniq paasissutissanik elektroniskiunngitsunik nalunaarsuiffimmut ilanngunneqareersunik ilanngunneqartussanilluunniit tamakkiisumik ilaannakortumilluunniit suliarinnittarnermi Inunniq paasissutissanik suliarinnittarnermut inatsit atuuppoq.

Imm. 2. Aammattaaq elektroniskiunngitsumik aaqqissuussaasumik suliarinninnernut inuinnaat sinnerlugit ingerlanneqartunut aammalu inuit ataasiakkaat inuuneranni aningaasaqarneranniluunniit pissutsit tamanut saqqummiunneqannginnissaannik piumasaqaateqarfiusinnaasut pillugit

paasissutissanut attuumassuteqartunut inatsit atuuppoq. Tamatumanili inatsimmi kapitali 8 aamma 9-mi maleruagassat ilaatinneqanngillat.

Imm. 3. Aammattaaq suliffeqarfiiit il.il., tak. imm. 1 aamma 2, pillugit paasissutissanik suliarinninnermut inatsit atuuppoq, taamatut suliarinninneq akiligassat pillugit paasissutissanik suliarinnittartut sinnerlugit ingerlanneqarpat. Taamatuttaaq suliarinninnernut § 50, imm. 1 nr. 2-mi ilaatinneqartunut tamanna atuuppoq.

Imm. 4. Kapitali 5 suliffeqarfiiit pillugit paasissutissanik suliarinninnermut atuuppoq, tak. imm. 1.

Imm. 5. Pissutsinut imm. 3-mi taaneqanngitsunut atatillugu suliffeqarfiit il.il. pillugit paasissutissanik namminersortut sinnerlugit ingerlanneqartunik suliarinninnermut atatillugu inatsimmi maleruaqqusat tamakkiisumik ilaannakortumilluunniit atorneqarsinnaanerat inatsisinik atortitsinermut ministerip aalajangersinnaavaa.

Imm. 6. Pissutsinut imm. 4-mi taaneqanngitsunut atatillugu suliffeqarfiit il.il. pillugit paasissutissanik pisortat ingerlatsivii sinnerlugit ingerlanneqartunik suliarinninnermut atatillugu inatsimmi maleruaqqusat tamakkiisumik ilaannakortumilluunniit atorneqarsinnaanerat ministerimit pineqartumit aalajangerneqarsinnaavoq.

§ 2. Inunniq paasissutissanik suliarinnitarneq pillugu inatsimmi allami maleruaqqusat inuup nalunaarsorneqartup inatsisitigut pitsaanerusumik inissisimaneranik tunngavissiisut inatsimmi matumani maleruaqqusanit salliuutinnejassapput.

Imm. 2. Paasissutissiisinnaatitaanermik oqaaseqarsinnaatitaanermillu unioqqutitsisoqarsinnaatillugu inatsit atorneqassanngilaq, tak. Inuit Pisinnaatitaaffiisa illorsorneqarnerat pillugu Europamiut Isumaqtigijissutaanni aalajangersagaq 10.

Imm. 3. Suliarinninnernut nammineq inuttut ingerlataqarnissaq siunertaralugu inuup ingerlataanut inatsit atuutinngilaq.

Imm. 4. Suliarinninnernut eqqartuussiviit sinnerlugit ingerlanneqartunut inatsit atuutinngilaq. Inatsimmi kapitali 8-mi aamma §§ 35-37-mi § 39-milu aalajangersakkat suliarinninnernut politiinit aammalu pinerluttulerinermi inatsisinik suliassaqarfimmi unnerluussisussaatitaasunut aamma atuutinngillat.

Imm. 5. Aamma paasissutissanik Inatsisartut suliffeqarfillu tassunga atasut sinnerlugit suliarineqartunut suliarinninnermut inatsit atuutinngilaq.

Imm. 6. Qarasaasiakkut paasissutissaasivinnut, atuagassianik piffissani aalajangersimasuni saqqummersinneqartartunik imaluunniit nipit assilluunniit atorlugit aallakaatitassanik taamaallaat imaqaqtinneqartunut, tusagassiornermi akisussaaneq pillugu inatsimmi § 1, nr. 1 imaluunniit 2-mi kunngip peqqussutaatigut Kalaallit Nunaannut atuutsinneqartukkut imaluunniit tusagassiornermi akisussaaneq pillugu Inatsisartut inatsisaanni § 1, nr. imaluunniit 2-mi imaluunniit taakku ilaanni atuutinnejqartukkut ilaatinnejqartunut inatsit atuutissanngilaq saqqummiussanut sanilliullugu allanguuteqartitsinani qarasaasiakkut paasissutissaasivimmut ilanggussisoqarpat. Taamaattorli inatsimmi §§ 41, 42 aamma 64-imti aalajangersakkat atuupput.

Imm. 7. Aammataaq qarasaasiakkut paasissutissaasivinnut, atuagassianik piffissani aalajangersimasuni saqqummersinneqartartunik imaluunniit allat, assit nipilluunniit atorlugit aallakaatitassianik taamaallaat imaqaqtinneqartunut, tusagassiornermi akisussaaneq pillugu inatsimmi § 1, nr. 3-mi kunngip peqqussutaatigut Kalaallit Nunaannut atuutinneqartukkut imaluunniit tusagassiornermi akisussaaneq pillugu Inatsisartut inatsisaanni § 1, nr. 3-mi imaluunniit taassuma ilaani atuutinneqartukkut ilaatinneqartunut inatsit atuutissanngilaq saqqummiussanut sanilliullugu allanguuteqartitsinani qarasiaasiatigoortumik paasissutissaasivimmut ilanngussisoqarpat. Taamaattorli inatsimmi §§ 41, 42 aamma 64-im i aalajangersakkat atuupput.

Imm. 8. Atuagassianut saqqummersinneqartunut naqitanillu tigulaakkanut nammineq uninngasuutigisanut tusagassiorermik taamaallaat siunertaqluni suliarineqartunut inatsit atuutinngilaq. Taamaattorli inatsimmi §§ 41, 42 aamma 64-im i aalajangersakkat atuupput.

Imm. 9. Paasissutissanik tusagassiorermik taamaallaat siunertaqluni suliarineqartunut inatsimmi §§ 41, 42 aamma 64-im i aalajangersakkat kisimik atuupput. Paasissutissanik eqqumiitsuliorermik atuakkiornermilluunniit siunertaqluni suliarineqartunut aamma tamanna atuuppoq.

Imm. 10. Suliarinninnernut politiit sakkutuullu isertortumik paasiniaasarfiata ingerlataannut inatsit atuutinngilaq.

Kapitali 2

Nassuaatit

§ 3. Inatsimmi matumani pineqartut ima paasineqassapput:

1) Inunniq paasissutissat:

Inuuip kinaassusia paasineqartoq imaluunniit kinaassusersineqarsinnaasoq (nalunaarsorneqartoq) pillugu paasissutissat suulluunniit.

2) Suliarinninneq:

Paasissutissanik elektroniskiusunik atuilluni atuinanieluunniit iliuuseqarnerit suulluunniit imaluunniit iliuuseqarnerit arlallit.

3) Inunniq paasissutissanik nalunaarsuiffik:

Inunniq paasissutissat aaqqissuussaasumik katersat suulluunniit tunngavissat aalajangersimasut malillugit pissarsiarineqarsinnaasut, katersugaatit taakku qitiusumik, qitiunngitsumik

inissinneqarnerat imaluunniit suliamut aalajangersimasumut nunalluunniit immikkoortuanut agguataarsimanerat apeqqutaatinnagu.

4) Qarasaasiakkut paasissutissanut akisussaasoq:

Inuk imaluunniit suliaqarfik inatsisitigut akisussaasoq, pisortani oqartussaasoq, suliffeqarfik imaluunniit ingerlatsivik alla sunaluunniit kisimi allanilluunniit peqateqarluni paasissutissanik qanoq siunertaqarluni atortulersuutillu suut atorlugit suliarinninnissamik aalajangiisartoq.

5) Qarasaasiakkut paasissutissanik suliarinnittartoq:

Inuk imaluunniit suliaqarfik inatsisitigut akisussaasoq, pisortani oqartussaasoq, suliffeqarfik imaluunniit ingerlatsivik alla sunaluunniit qarasaasiakkut paasissutissanut akisussaasoq sinnerlugu paasissutissanik suliarinnittartoq.

6) Inuk alla:

Nalunaarsorneqartoq pinnani taammaattorli inuk imaluunniit suliaqarfik inatsisitigut akisussaasoq, pisortani oqartussaasoq, suliffeqarfik imaluunniit ingerlatsivik alla sunaluunniit, qarasaasiakkut paasissutissanut akisussaasoq, qarasaasiakkut paasissutissanik suliarinnittooq aamma inuit qarasaasiakkut paasissutissanut akisussaasumit imaluunniit qarasaasiakkut paasissutissanik suliarinnittumit toqqaannartumik oqartussaaffigineqartut paasissutissanik suliarinninnissamut pisinnaatitaasut.

7) Tigusisussaq:

Inuk imaluunniit suliaqarfik inatsisisitigut akisussaasoq, pisortani oqartussaasoq, suliffeqarfik imaluunniit ingerlatsivik alla sunaluunniit paasissutissanik nalunaarfigineqartoq, inuup allap pineqarnera apeqqutaatinnagu. Oqartussaasut immikkut apeqquteqaateqartoqarneranut atatillugu paasissutissanik nalunaarfigineqarsinnaasut tigusisussatut naatsorsuunneqanngillat.

8) Nalunaarsorneqartup akuersilluni nalunaaruteqarnera: Nammineq piumassuseq naapertorlugu, immikkullu paasitinneqarneq tunngavigalugu akuersinermik nalunaarneq sunaluunniit, tamatumani paasissutissat nalunaarsorneqartumut attuumassuteqartut suliarinninnissamut atorneqarnissaannik nalunaarsorneqartumit akuerineqartut.

9) Nuna alla:

Naalagaaffik Det Europæiske Fællesskabimut ilaanngitsoq aamma Inunniq paasissutissanik suliarinnittarnermi aammalu paasissutissanik taamaattunik pituttorsimanngitsumik paarlaasseqatigiittarnermi inuit illersugaanissaat pillugu Det Europæiske Fællesskabip peqqussutaata 95/46/EF-ip, 24. oktober 1995-imeersup assinganik malittarisassaqartumik isumaqatigiissuteqarsimamanngitsoq.

Kapitali 3

Inatsisip nunap immikkoortuinut atuuffia

§ 4. Paasissutissanik suliarinninnernut qarasaasiakkut paasissutissanut Kalaallit Nunaanni pilersinneqartunut akisussaasumit, Kalaallit Nunaata imaluunniit Det Europæiske Fællesskabip iluini ingerlanneqartunut inatsit atuuppoq.

Imm. 2. Qarasaasiakkut paasissutissanut akisussaasumut nunami allami inissimasumut inatsit aamma atutissaq

- 1) Kalaallit Nunaat imaluunniit Det Europæiske Fællesskab aqqutigalugu atortulersuutit paasissutissanik nassitsinermut atorneqarnissaat siunertarineqarnani paasissutissanik suliarinninneq atortulersuutit Kalaallit Nunaanni pigineqartut atorlugit ingerlanneqarpat, imaluunniit
- 2) nunami allami suliarinninnissaq siunertaralugu Kalaallit Nunaanni paasissutissanik katersisoqarpat.

Imm. 3. Qarasaasiakkut paasissutissanut akisussaasoq imm. 2, nr. 1 naapertorlugu inatsimmi matumani ilaatinneqartoq Kalaallit Nunaanni sinniisussamik toqqaassaaq. Qarasaasiakkut paasissutissanut akisussaasup pineqartup eqqartuussivikkut suliassanngortinneqarnissaanut nalunaarsorneqartup periarfissaa tamatuminnga sunnerneqassanngilaq.

Imm. 4. Qarasaasiakkut paasissutissanut akisussaasup kina sinniisussatut toqqarneqarnersoq pillugu Datatilsynimut allakkatigut nalunaaruteqassaaq, tak. imm. 3.

Imm. 5. Qarasaasiakkut paasissutissanut akisussaasoq naalagaaffimmi Det Europæiniske Fællesskabimi ilaasumi inissimasoq Kalaallit Nunaanni paasissutissanik suliarinnippat aamma Inunniq paasissutissanik suliarinnittarnermi aammalu paasissutissanik taamaattunik pituttorsimangitsumik paarlaasseqatigiittarnermi inuit illersugaanissaat pillugu Det Europæiske Fællesskabip peqqussutaani 95/46/EF-ip, 24. oktober 1995-imeersumi suliarinninneq ilaatinneqanngippat inatsit atutissaq. Qarasaasiakkut paasissutissanut akisussaasoq naalagaaffimmi imm. 1-imi peqqussutip taaneqartup assinganik malittarisassaqartumik imalinnik Det Europæiske Fællesskabimik isumaqatigiissuteqarsimasumi inissimasoq Kalaallit Nunaanni paasissutissanik suliarinnippat aammalu suliarinninneq malittarisassani taaneqartuni ilaatinneqanngippat inatsit aamma atutissaq.

Immikkoortoq II

Suliarinninnermut malittarisassat

Kapitali 4

Paasissutissanik suliarinninneq

§ 5 Qarasaasiakkut paasissutissanik suliarinninnermi pitsasumik ileqqoqarnissamut naapertuuttumik paasissutissat suliarineqassapput.

Imm. 2. Paasissutissanik katersinermi siunertat erseqqissumik nalunaarsukkat suliamullu attuumassuteqartut tunngavigalugit ingerlanneqassaaq kingusinnerusukkullu suliarinninneq siunertanut taakkununnga attumatinneqassanngilaq. Paasissutissanik kingusinnerusukkut suliarinninneq oqaluttuarisaanermik, kisitsisitigut paasissutissaateqarnermik ilisimatusarnermillu siunertaqartumik taamaallaat ingerlanneqartoq paasissutissanik katersinermi siunertanut naapertuutinngitsutut isigineqassaaq.

Imm. 3. Paasissutissat suliarineqartut naleqquttuussapput naammassallutillu paasissutissallu katersorneqarnerini siunertat aammalu paasissutissat kingusinnerusukkut suliarineqarnissaanni siunertat naammassineqarnissaannut piumasaqaatigineqartut sinnerlugit annertussuseqassanatik.

Imm. 4. Paasissutissanik suliarinninneq ima aaqqissuunneqassaaq paasissutissat pisariaqarfiatigut nutarterneqartassallutik. Aammattaaq paasissutissanik eqqunngitsunik paatsuunganartunillu suliarinnitoqannginnissaa qulakkeerniarlugu pisariaqarfiatigut nakkutilliisoqartassaaq. Paasissutissat eqqunngitsunik paatsuunganartunillu takutitsisut sapinngisamik piaartumik peerneqartassapput iluarsineqartassallutilluunniit.

Imm. 5. Paasissutissat katersorneqartut nalunaarsorneqartup kinaassusianik paasinninnissamut periarfissiilluni piffissamit siunertarineqartumut paasissutissanik katersinermi pisariaqartinneqartumit sivisunerusumik paarineqassanngillat.

§ 6 Paasissutissanik suliarinninneq aatsaat pisinnaavoq

- 1)nalunaarsorneqartoq taamatut iliortoqarnissaanut erseqqissumik akuersissuteqarsimappat,
- 2)isumaqatigiissutip nalunaarsorneqartup peqataaffigaata naammassineqarnissaa imaluunniit taama isumaqatigiissuteqarnissaq sioqqullugu qinnuteqartup piareersaanerit ingerlanneqarnissaat eqqarsaatigalugit suliarinninnissaq pisariaqarpat,

3) qarasaasiakkut paasissutissanik akisussaasup inatsisitigut pisussaaffii eqquutsinniarlugit suliariinninnissaq pisariaqarpat,

4) nalunaarsorneqartup pingaartillugit soqutigisaasa illersorneqarnissaat pillugu suliariinninnissaq pisariaqarpat,

5) suliassap inuiaqtigiinnit soqutigineqartup ingerlanneqarnissaa pillugu suliariinninnissaq pisariaqarpat,

6) suliassap pisortat oqartussaasuinit ingerlanneqartartup qarasaasiakkut paasissutissanut akisussaasup allalluunniit paasissutissanik ingerlateqqiffiusussanit suliareqquneqartup ingerlanneqarnissaa eqqarsaatigalugu suliariinninnissaq pisariaqarpat, imaluunniit

7) qarasaasiakkut paasissutissanut akisussaasoq inulluunniit alla paasissutissanik ingerlatitseqqiffiusussaq soqutigisaminik nalunaarsorneqartup pingaartinnissaanit pingaaruteqarnerusunik malersuiffiginnissinnaaqqullugu.

Imm. 2. Suliffeqarfíup atuisoq pillugu paasissutissanik nittarsaassinermut atorneqartussanngorlugit suliffeqarfímmut allamut tunniusseqquaanngilaq imaluunniit taama siunertaqluni suliffeqarfík alla sinnerlugu paasissutissanik atueqquaanani, atuisoq tamanna pillugu erseqqissumik akuersisimannngippat.

Imm. 3. Taamaattorli pisisartut kikkuunerisa immikkoortiterneqarnissaannut tunngavissaqarniarluni pisisartut pillugit nalinginnaasumik paasissutissat pineqartillugit aamma imm. 1, nr. 7-imi piumasaqaatit naammassineqartillugit akuersissuteqartoqqaartinnagu imm. 2-mi taaneqartutut ingerlatitseqqittoqarlunilu atuisoqarsinnaavoq.

Imm. 4. Paasissutissanik §§ 7 aamma 8-mi taaneqartunik imm. 3 malillugu ingerlatitseqqittoqarsinnaanngilaq atuisoqarsinnaananiluunniit. Imm. 3 malillugu paasissutissanik aalajangersimasumik ilusilinnik ingerlatitseqqissinnaanermut atuisinnaanermulluunniit inatsisinik atortitsinermut ministeri killilersuutinik allanik aalajangersaasinjaavoq.

§ 7. Naggueqatigiaanut tunngassuteqarneq imaluunniit inuiannik sorlernik aallaaveqarneq, naalakkersuinermut tunngassutillit, upperisamut imaluunniit nammineq aalajangiussatut isummat, suliatigut kattuffeqarnermi attaveqarfíit imaluunniit peqqissutsikkut kinguaassiuutitigullu iliuutsinut tunngassutilittut pissusillit pillugit paasissutissanik suliariinnitoqassanngilaq.

Imm. 2. Imm. 1-imi aalajangersagaq atorneqassanngilaq

1) nalunaarsorneqartoq taama sularinninnissamut erseqqissumik akuersisimappat,

2) pisuni nalunaarsorneqartoq nammineq inatsisilluunniit tunngavigalugit
akuersisinnaatinnagu nalunaarsorneqartup inuulluunniit allap pingaartillugit
soqutigisaasa illersorneqarnissaat pillugu suliarinninnissaq pingaaruteqarpat,

3) suliarinninneq paasissutissanut nalunaarsorneqartumit saqqummiunneqartunut
attuumassuteqarpat, imaluunniit

4) suliarinninnisaq inatsisitigut piumasaqaatit aalajangersarneqarsinnaanissaannut,
atuutinniarnissaannut imaluunniit illersorniarnissaannut pisariaqarpat.

Imm. 3. Aammattaaq suliatigut kattuffeqarnermi attaveqarfisat pillugit paasissutissanik
suliariinninneq pisinnaavoq qarasaasiakkut paasissutissanut akisussaasup sulinermini
inatsisitigut pisussaaffiisa piginnaatitaaffiisaluunniit immikkut ittut malinnejarnissaannut
suliariinninnissaq piariaqartinneqarpat.

Imm. 4. Pilersitaq, peqatigiiffik allaluunniit nalinginnaasumik kattuffik politikkut, nammineq
isummatisigut, upperisatigut suliatigulluunniit siunnerfilik nammineq ingerlatami iluini kattuffiup
ilaasortai inuilluunniit kattuffiup siunertai pissutigalugit kattuffimmut akulikitsumik attaveqartartut
pillugit paasissutissanik imm. 1-imi taaneqartunik suliarinnissinnaapput. Taamaattorli
paasissutissanik taamaattunik aatsaat ingerlatitseqqittoqarsinnaavoq nalunaarsorneqartoq
tamatunnga akuersilluni erseqqissumik nalunaaruteqarsimappat imaluunniit suliarinninnissaq
imm. 2, nr. 2-4 imaluunniit imm. 3-mi ilaatinneqarpat.

Imm. 5. Nappaatinik akiuiniarluni pinaveersaartitsinissaq, nappaatinik suussusersinissaq,
napparsimasunik paaqqutarinninneq katsorsaanerluunniit imaluunniit nakorsat peqqissutsikkullu
sullississutinik aqutsinissaq siunertaralugit paasissutissanik suliarinninnissaq pisariaqartinneqarpat
aamma paasissutissanik suliarinninneq peqqinnissaqarfiup iluani sulisumit inatsisit malillugit
nipangiussisussaatitaasumit ingerlanneqarpat imm. 1-imi aalajangersagaq atorneqassanngilaq.

Imm. 6. Pisortani oqartussaasup pinerluttulerinermik inatsisinut tunngasutigut suliassaminik
isumaginninissaminut suliarinninnissaq pisariaqartippagu imm. 1-imi paasissutissanik taaneqartunik
suliariinninneq pisinnaavoq.

Imm. 7. Aammattaaq inuiaqtigiinni soqutigisat pingaarutillit mianerineqarnissaat pillugu pissutsit
tunngavigalugit paasissutissanik suliarinninneq ingerlanneqarpat imm. 1 malinnginnejarnnaavoq.
Nakkutilliinermik oqartussat tamatumunnga akuersissuteqassapput.

Suliariinninnermi atugassarititaasunik erseqqinnerusunik aalajangersaasoqarsinnaavoq.

Imm. 8. Naalakkersuinikkut pissutsit pillugit paasissutissat tamanit pissarsiarineqarsinnaangitsut
edb atorlugu pisortat ingerlatsivianit nalunaarsorneqassanngillat.

§ 8. Pisortat ingerlatsiviat pissutsit pinerluttulerinermik inatsimmut tunngassutilit, inuuniarnikkut ajornartorsiutit annertuut aamma § 7, imm. 1-imi pissutsit saniatigut pissutsit Inunnik attuumassuteqarluinnartut allat pillugit paasissutissanik suliarinnissanngilaq, tamanna oqartussaasup suliassaasa isumagineqarnissaanut pisariaqartinneqanngippat.

Imm. 2. Paasissutissat imm. 1-imi taaneqartut allanut ingerlateqqinnejassanngillat. Taamaattorli ingerlatitseqqittoqarsinnaavoq

- 1) ingerlatitseqqinnissaq nalunaarsorneqartumit erseqqisumik akuerineqarsimappat
- 2) ingerlatitseqqinnej inuinnaat pisortalluunniit soqtigisaat, isertuussinissamut pissutaasunit tamatumani aamma paasissutissami pineqartup pingaartinnissaanit pingaaruteqarnerusut isumaginiassappagit,
- 3) ingerlatitseqqinnissaq pisortat ingerlataanni pinngitsoorneqarsinnaassanngippat imaluunniit pisortat aalajangiiffiginninniarneranni piumasaqaataassappat, imaluunniit
- 4) ingerlatitseqqinnissaq inuup imaluunniit sulliviup pisortanut tunngasunut suliassaanik ingerlatsiniarnissami pisariaqartinneqassappat.

Imm. 3. Ingerlatsivinni oqartussat isumaginninnermut tunngasutigut sulianik ingerlataqartut aatsaat imm. 2, nr. 1 imaluunniit 2-mi piumasaqaatit eqquutsinneqarpata imaluunniit suliap suliarineqarnerani ingerlatitseqqinnissaq pisariaqarpat imaluunniit oqartussaasup nakkutilliinermini suliassaminik ingerlatsisinnaaneranut pisariaqartinneqarpat imm. 1-imi aamma § 7, imm. 1-imi paasissutissanik taaneqartunik ingerlatitseqqissinnaapput.

Imm. 4. Namminersortut pissutsit pinerluttulerinermik inatsimmut attuumassutilit, inuuniarnikkut ajornartorsiutit annertuut aammalu § 7, imm. 1-imi pissutsit saniatigut pissutsit Inunnik attuumassuteqarluinnartut allat pillugit paasissutissanik suliarinnissanngillat, nalunaarsorneqartoq tamatumunnga erseqqisumik akuersisimanngippat. Tamatuma saniatigut pissutissalimmik soqtigisaqartunut naleqquttumik iliornissaq pisariaqarpat aamma taama soqtigisaqarneq nalunaarsorneqartup pingaartinneqarnissaanit pingaaruteqarneruppat suliarinnittoqarsinnaavoq.

Imm. 5. Paasissutissat imm. 4-mi taaneqartut nalunaarsorneqartoq erseqqisumik akuersiseeqqaarnagu ingerlateqqinnejqarsinnaanngillat. Taamaattorli akuersisitsisoqaqqaarnani ingerlatitseqqittoqarsinnaavoq ingerlatitseqqinnej pisortat inuinnaalluunniit soqtigisaat isertuussinissamut pissutaasunit tamatumani nalunaarsorneqartup pingaartinnissaanit pingaaruteqarnerusut isumaginiarlugit tamanna pissappat.

Imm. 6. Pisunut imm. 1, 2, 4 aamma 5-imik malittarisassiuunneqartunut atatillugu § 7-imik piumasaqaatit naammassineqarsimappata paasissutissanik aamma suliarinnittoqarsinnaavoq.

Imm. 7. Pinerluttulerinermik inatsit naapertorlugu eqqartuussutit pillugit nalunaarsukkat tamakkiisut taamaallaat pisortat oqartussaasuinut tunniunneqarsinnaapput.

§ 9 Paasissutissat § 7, imm. 1 imaluunniit § 8-mi taaneqartut suliarineqarsinnaapput, tamanna inatsisit pillugit paasissutissiisarnermi periutsinik inuiaqatigiinnut annertuumik pingaaruteqartunik ingerlatsinissaq kisiat siunertaralugu pissappat aamma suliarinninnermut periutsit ingerlanneqarnissaannut pingaaruteqarpat.

Imm. 2. Paasissutissat imm. 1-imik pineqartut kingusinnerusukkut allamik siunertaqarluni suliarineqassanngillat. Inatsisit pillugit paasissutissiisarnermi periutsinik ingerlatsinissaq kisiat siunertaralugu paasissutissanik suliarinninnernut allanut aamma tamanna atuuppoq, tak. § 6.

Imm. 3. Imm. 1-imik suliarinninnernut taaneqartunut atugassarititaasut erseqqinnerusut nakkutilliinermik oqartussaasunit nalunaarutigineqarsinnaapput. Aammattaaq paasissutissanut § 6-imik taaneqartunut inatsisit pillugit paasissutissiisarnermi periutsinut atatillugu suliarineqartunut tamanna atuuppoq.

§ 10 Paasissutissat § 7, imm. 1-imik imaluunniit § -mi taaneqartut suliarineqarsinnaapput inuiaqatigiinnut annertuumik pingaarutilinnik kisitsitigut paasissutissanut ilisimatusarnermulluunniit atatillugu misissuinissaq kisiat siunertarineqarpat.

Imm. 2. Paasissutissat imm. 1-imik taaneqartut kisitsisitigut paasissutissanut ilisimatusarnermulluunnut siunertanut allanut atatillugu kingusinnerusukkut suliarineqassanngillat. Aamma paasissutissanik allanik suliarinninnernut kisitsisitigut paasissutissanut ilisimatusarnermulluunniit atatillugu siunertanut tamanna atuuppoq, tak. § 6.

Imm. 3. Imm. 1 aamma 2-mi paasissutissat pineqartut nakkutilliinermik oqartussat siumoortumik akuersissuteqarnerisigut inummut allamut aatsaat ingerlateqqinneqarsinnaapput. Nakkutilliinermik oqartussat ingerlatitseqqinnissaq pillugu erseqinnerusumik piumasaqaateqarsinnaapput.

§ 11 Pisortat oqartussaasut erseqqissumik kinaassusersinissaq imaluunniit journalnormumik atuinissaq siunertaralugu inuup normua pillugu paasissutissanik suliarinnissinnaapput.

Imm. 2. Inuinnaat inuup normua pillugu paasissutissanik suliarinnissinnaapput

1) tamatumani inatsit imaluunniit aalajangersakkat inatsit naapertorlugu aalajangersarneqartut malinneqarpata,

2) nalunaarsorneqartoq tamatumunnga erseqqissumik akuersissuteqarsimappat imaluunniit

3) suliarinninnej kisitsisitigut paasissutissanut ilisimatusarnermulluunniit atatillugu siunertanut atugassatut taamaallaat ingerlanneqassaaq imaluunniit taama siunertaqluni suliffeqarfiup il.il. nalinginnaasumik ingerlanneqarneranut nalinginnaasumik ilaautut inuup normua pillugu paasissutissanik ingerlatitseqqinnissaq pineqarpat aamma ingerlatitseqqinnej nalunaarsorneqartup erseqqissumik kinaassuserneqarnissaanut pingaaruteqarluinnarpat imaluunniit ingerlatitseqqinnissaq pisortat oqartussasaunit piumasarineqarpat.

Imm. 3. Imm. 2, nr. 3-mi aalajangersagaq apeqqutaatinnagu erseqqissumik akuersisoqarsimatinnagu inuup normuanik tamanut saqqummiussisoqassanngilaq.

§ 12. Qarasaasiakkut paasissutissanut akisussaasut nittarsaassiniisaq siunertaralugu inuit eqimattakuutaat pillugit nalunaarsukkanik tunisisut imaluunniit inuk alla sinnerlugu eqimattakuutanut taamaattunut allakkanut qatiguuliussisoq nalunaarutinilluunniit nassitsisoq taamaallaat makkununnga atatillugu paasissutissanik suliarinnissinnaavoq

- 1) ateq, najugaq, suliffik, suliaq, e-postadresse, telefon aamma telefaxnormut,
- 2) paasissutissat inuussutissarsiummik ingerlataqartunik nalunaarsuiffimmil ilaasut inatsit naapertorlugu imaluunniit aalajangersakkat inatsit naapertorlugu aalajangersarneqartut tamanut saqqummiunneqartussatut naatsorsuunneqartut, kiisalu
- 3) paasissutissat allat nalunaarsorneqartumit taama iliortoqarnissaanik erseqqissumik akuersissuteqarfigineqartut.

Imm. 2. Taamaattorli paasissutissat § 7, imm. 1 imaluunniit § 8-mi taaneqartut suliarineqassanngillat. Paasissutissanik aalajangersimasunik suliarinnissinnaatitaanermut killilersuutinik allanik inatsisinik atortitsinermut ministeri aalajangersaasinnaavoq.

§ 13. Pisortat oqartussaasui suliffeqarfiillu namminersortut il.il. namminneq telefoniminnit normunut sunut sianertoqarsimanersoq ingerlaannartumik nalunaarsortassanngilaat.

Taamaattorli pisuni inuinnaat pisortalluunniit soqtigisaat mianerilluinnarniarlugit tamanna pisariaqalersillugu nakkutilliinermik oqartussaasunit siumoortumik akuersissummik pissarsinerup kingorna nalunaarsuisoqarsinnaavoq. Nakkutilliinermik oqartussat nalunaarsuineremi erseqqinnerusumik atugassarititaasunik aalajangersaasinnaapput.

Imm. 2. Imm. 1-imí aalajangersagaq atuutissanngilaq inatsimmi allatut aalajangiisoqarsimappat imaluunniit nalunaarasuartaateqarnermik inuttut imminut attuumassutilinnik imaluunniit teknikikkut nakkutilliinermut atatillugu telefonip normui sorliit sianerfigineqarsimanersut pillugu nalunaarsuinerat eqqarsaatigalugu.

§ 14 Paassisutissat inatsimmi matumani ilaatinneqartut toqqorsiveqarneq pillugu Inatsisartut inatsisaanni malittarisassat malillugit toqqorsivimiitsitassanngortinneqarsinnaapput.

Kapitali 5

Pisortanut akiitsut pillugit paassisutissiisarfinnut ingerlatitseqqittarneq

§ 15 Pisortanut akiitsut pillugit paassisutissat kapitalimi matumani aalajangersakkat malillugit akiitsulinnik paassisutissiisarfinnut ingerlateqqinnejqarsinnaapput.

Imm. 2. Paassisutissat § 7, imm. 1 imaluunniit § 8, imm. 1-imí taaneqartut ingerlateqqinnejqassanngillat.

Imm. 3. Paassisutissat isertuussassat kapitalimi matumani malittarisassat ingerlateqqinnejqarpata tamanna pissutigalugu tamanut saqqummiunneqartussatut naatsorsunneqassanngillat.

§ 16 Pisortanut akiitsut pillugit paassisutissat akiitsulinnik paassisutissiisarfinnut ingerlateqqinnejqarsinnaapput

1)inatsit imaluunniit inatsit naapertorlugu aalajangersakkat malinnejqassappata imaluunniit
2)akiitsut tamarmiusut akiligassanngorsimappata aammalu 7.500 kr.-it sinnersimappatigit, taamaattorli akiitsut uninngatinneqarnissaat imaluunniit akilersorneqarnissaat pillugu isumaqatigiissummut attuumassuteqassanngillat.

Imm. 2. Akiitsut tamarmiusut imm. 1, nr. 2 naapertorlugu akiliisitsiniartarnermik oqartussaamit ataatsimit aqunneqarnissaat piumasaqaataavoq.

Imm. 3. Aammattaaq imm. 1, nr. 2 malillugu ingerlatitseqqinnissamut piumasaqaataavoq

1)akiitsut akiliisitsinikkut akilersinniarneqarsinnaassasut aamma akileeqqusissutinik marlunnik akiitsulimmut nassitsisoqarsimassasoq,
2)akiligassanut atatillugu akiliussisoqarsimanngitsoq akiliussiniartoqarsimassanngitsorlu,

- 3) akiligassat inaarutaasumik eqqartuussutikkut aalajangersarneqarsimassasut imaluunniit
- 4) akiitsut akiligassanngortut pillugit akiitsullip uppermarsaataanik pisortat pissarsiaqarsimassasut.

§ 17. Ingerlatitseqqittoqartinnagu akiitsulik oqartussanit tamanna pillugu allakkatigut nalunaarfigineqassaaq. Taama nalunaaruteqarnermit siusinnerpaamik sapaatip akunneri sisamat qaangiunnerini aatsaat ingerlatitseqqittoqassaaq.

Imm. 2. Imm. 1-imi nalunaarut taaneqartoq makkuninnga imaqassaaq,
1) paassisutissat qanoq ittut ingerlateqqinniarneqarnersut,
2) akiitsulinnik paassisutissiisarfimmum sorlermut ingerlatitseqqittoqassanersoq,
3) ingerlatitseqqinnej qaqgukkut pissanersoq aamma
4) ingerlatsitseqqinnissaq sioqqullugu akiitsut akilerneqarsimappata imaluunniit uninngatinneqarnissaat nalunaarutigineqarpat imaluunniit akilersuinissaq pillugu isumaqatigiissut malinneqarsimappat ingerlatitseqqittoqassanngitsoq.

§ 18. Pisortanut akiitsut pillugit paassisutissanik akiligassarsianik paassisutissiisarfimmum ingerlatitseqqittarnermi periusissaq pillugu ministeri pineqartoq malittarisassanik erseqqinnerusunik aalajangersaasinnaavoq. Tassunga atatillugu § 16-imi piumasaqaatit taaneqartut saniatigut piumasaqaatit allat naammassineqarsimappata pisortanut akiitsut aalajangersimasut pillugit paassisutissat ingerlateqqinnejqarsinnaannginnersut ingerlateqqinnejqarsinnaanwersulluunniit aalajangerneqarsinnaavoq.

Kapitali 6

Akiitsulinnik paassisutissiisarfit

§ 19. Ingerlatitseqqinnissaq (akiliitsulinnik paassisutissiisarfinnut) siunertalarugu aningaasaqarnikkut patajaatsuussusermik akiligassarsisinnaassutsimillu naliliinissamut atatillugu paassisutissanik suliarinninissamik suliaqarnissamik kissaateqartoq suliarinninissaq sioqqullugu tamanna pillugu Datatilsynimit akuersisummiik pissarsiniassaaq, tak. § 50, imm. 1, nr. 3.

§ 20 Akiitsulinnik paasissutissiisarfiiit paasissutissanik suussutsimikkut aningaasaqarnikkut patajaatsuussusermik akiligassarsisinnaassutsimillu naliliinissamut pingaarutilinnik taamaallaat suliarinnissinnaapput.

Imm. 2. Paasissutissat § 7, imm. 1, aamma § 8, imm. 4-mi taaneqartut suliarineqaqqusaanngillat.

Imm. 3. Pissutsit akiligassarsisinnaassuseqannginneq pillugu paasissutissat ukiullu tallimat sinnerlugit pisoqaassusillit suliarineqaqqusaanngillat pisuni ataasiakkaani pisoq pineqartup aningaasaqarnikkut akiliisinnaasusiata akiligassarsisinnaassusiatalu nalilersorneqarnissaanut pingaaruteqartoq ersarissumik paasineqarsimangippat.

§ 21 Akiitsulinnik paasissutissiisarfiiit § 28, imm. 1 imaluunniit § 29, imm. 1 naapertorlugit paasissutissat aalajangersakkani taakkunani taaneqartut inummut paasissutissanik suliarinninnermut attuumassuteqartut pineqartumut nalunaarutigissavaat.

§ 22 Akiligassarsianik paasissutissiisarfiiit paasissutissat naliliinerillu paasissutissiisarfiiup qaammatit kingulliit arfinillit ingerlanerini pineqartoq pillugu ingerlateqqitaasa imarisaat kiisalu pineqartoq pillugu paasissutissat allat piffissap qinnuteqarfiusussap saqqummiunneqarnerani pappiaranngorlugit imaluunniit tusagassiutit digitaliusut atorlugit uninngasuutigineqartut, tassunga ilanngullugu naliliinerit pigineqartut pillugit nalunaarsorneqartup qinnuteqarneratigut sapaatip akunneri sisamat qaangiutsinnagit paasiuminartunngorlugit sukkulluunniit nalunaarutigissavai.

Imm. 2. Tamatuma peqatigisaanik nalunaarsorneqartoq pillugu atortussanik allanik paasissutissiisarfik tigummiqarpat atortussat suuneri kiisalu nalunaarsorneqartup paasissutissiisarfimmut nammineq saaffiginninnermigut misissorsinnaagai pineqartumut nalunaarutigineqassaaq.

Imm. 3. Aammattaaq paasissutissiisarfik paasissutissanik tunineqartut kikkuuneri paasissutissallu imm. 1 aamma 2-mi taaneqartut suminngaanneernererinik paasissutissat pigineqartut pillugit paasissutissiisaaq.

Imm. 4. Imm. 1-3-mi oqaatigineqartutut paasissutissiisarfiiup allakkatigut nalunaaruteqarnissaa nalunaarsorneqartup piumasarisinnaavaa. Allakkatigut nalunaarutinut akiliutissaq pillugu inatsisinik atortitsinermut ministeri malittarisassanik aalajangersaasinnaavoq.

§ 23 Aningaasaqarnikkut patajaatsuussuseq akiligassarsisinnaassuserlu pillugit paasissutissat taamaallaat allakkatigut nalunaarutigineqarsinnaapput, taamaattorli tak. § 22, imm. 1-3. Taamaattorli apeqquteqartup aqqa najugaallu allanneqarpat sivikinnerpaamillu qaammatini arfinilinni paarineqarpat paasissutissiisarfik pisartagaqartunut oqaasiinnakkut assigisaatigulluunniit eqikkaalluni paasissutissiisinjaavoq.

Imm. 2. Akiligassarsianik paasissutissiisarfit saqqummersitaat paasissutissanik eqikkakkanik taamaallaat imaqlarsinnaapput aamma inunnut suliffeqarfinnulluunniit paasissutissiisarfimmit nalunaarutinik pisartagaqartunut taamaallaat nassiunneqarsinnaallutik. Saqqummersinneqartut nalunaarsorneqartup inuttut normua pillugu paasissutissanik imaqlassanngillat.

Imm. 3. Akiitsutigut pissutsit pillugit paasissutissat eqikkakkat taamaallaat ingerlateqqinnejqarsinnaapput paasissutissat Statstidendemut attuumassuteqarpata, kapitali 5-imi malittarisassat malillugit pisortat oqartussaasuinit nalunaarutigineqarsimappata imaluunniit paasissutissat akiligassarsiffimmut ataatsimut 1.000 kr. sinnerlugit akiitsunut attuumassuteqarpata aamma akiligassarsiffik akiitsut akiligassanngortut pillugit nalunaarsorneqartumit allakkatigut uppernarsaammik pissarsisimappat imaluunniit pineqartup eqqartuussivikkut suliassanngortinnejqarnissaanut suliniuteqartoqarsimappat. Taamaattorli akiitsunik isumakkeerinissap inaarutaasumik akuersissutigineqarnera pillugu paasissutissat ingerlateqqinnejqarsinnaanngillat. Imm. 1 aamma 2-mi malittarisassat taaneqartut akiligassanik siammasinnerusumik naliliissutinik suliarinninnermut atatillugu akiitsutigut pissutsit pillugit paasissutissanik eqikkakkanik ingerlatitseqqittarnermut atuupput.

Imm. 4. Inuit ataasiakkaat akiitsui pillugit paasissutissanik eqikkakkanik taamaallaat ingerlatitseqqittoqarsinnaavoq inuit ataasiakkaat pineqartut saniatigut allat aningaasaqarnikkut patajaatsuussusiisa akiligassarsisinnaassusiisalu nalilerneqarnissaannut paasissutissat tunngaviginiarneqassanngippata.

§ 24 Paasissutissat naliliissutilluunniit eqqunngitsut paatsuunganartunillu takutitsisut sapinngisamik piaartumik peerneqarlutilluunniit iluarsineqassapput.

§ 25 Paasissutissaq naliliissutilluunniit eqqunngitsut paatsuunganartunilluunniit takutitsisut taamaaliortoqannginnerani ingerlateqqinnejqarsimappata nalunaarsorneqartumut imaluunniit pisup paasissutissiisarfimmit suli paasineqannginnerani qaammatit arfinillit kingulliit ingerlanerini paasissutissamik naliliissummilluunniit tigusisunut tamanut iluarsiineq pillugu

paasissutissiisarfik allakkatigut ingerlaannartumik nalunaaaruteqassaaq. Aammattaaq imm. 1 malillugu kina nalunaaaruteqarfigineqarsimanersoq aamma paasissutissaq naliliissulluunniit suminngaaneernersoq pillugu nalunaarsorneqartoq nalunaarfigineqassaaq.

§ 26 Paasissutissat naliliissutilluunniit eqqunngitsutut paatsuunganartunilluunniit takutitsisutut isigineqartut peerneqarnissaat, iluarsineqarnissaat mattunneqarnissaalluunniit pillugit imaluunniit paasissutissat suliarineqaqqusaanngitsut, tak. § 37, imm. 1, peerneqarnissaat pillugu nalunaarsorneqartumit saaffiginnissutit piaartumik aammalu saaffiginnissutip tiguneqarnerata kingorna sapaatip akunneri sisamat qaangiutsinnagit paasissutissiisarfimmit allakkatigut akissuteqarfigineqassapput.

Imm. 2. Piiaanissamik, iluarsiinissamik mattussinissamilluunniit qinnuteqaat paasissutissiisarfíup ingerlakkumanngippagu paasissutissiisarfimmit akissutip tiguneqarnerata kingorna sapaatip akunneri sisamat qaangiutsinnagit imaluunniit akissuteqarnissamut piffissaliussap imm. 1-imi taaneqartup naanerata kingorna apeqput nalunaarsorneqartup Datatilsnimut suliassanngortissinnaavaa, tassani piiasoqassanersoq, iluarsiissuteqartoqassanersoq mattussisoqassanersorluunniit aalajangerneqassalluni. § 25-mi aalajangersagaq taamaaqataanik atuuppoq.

Imm. 3. Pisunut imm. 2-mi taaneqartunut atatillugu paasissutissiisarfíup akissutaa apeqputip Datatilsnimut suliassanngortinnejarsinnaanera taamaaliornissamullu piffissaritinnejartoq pillugu paasissutissanik imaqassaaq.

Kapitali 7

Nunanut allanut paasissutissanik nuussineq

§ 27 Paasissutissanik nunamut allamut aatsaat nuussisoqarsinnaavoq nunami tassani naammaginartumik illersugaanissaq qulakkeerneqarsimappat, taamaattorli tak. imm. 3.

Imm. 2. Nunami allami naammaginartumik illersugaanissamik naliliinermi pissutsit nuussinermut attuumassuteqartut tamarmik, tassunga ilanggullugu pingaartumik paasissutissat suussusii, suliarinninnissami siunertarineqartoq tamatumalu sivisussusissaa, nuna paasissutissanik nassitsisoq nunalu tigusisussaq aamma inatsisitigut malittarisassat, pitsaasumik

suleriaaseqarnissamut malittarisassat isumannaallisaatillu nunami allami atuuttut tunngavigneqassapput.

Imm. 3. Pisut imm. 1-im ianeqartut saniatigut paasissutissanik nunamut allamut nuussisoqarsinnaavoq

- 1)nalunaarsorneqartoq erseqqissumik akuersisimappat,
- 2)nuussinissaq nalunaarsorneqartup imaluunniit qarasaasiakkut paasissutissanut akisussaasup akornanni isumaqatigiissutip eqquutsinnejarnissaanut pisariaqartinneqarpat imaluunniit taama isumaqatigiissuteqarnissaq sioqqullugu atortulersuutit nalunaarsorneqartup qinnuteqarneratigut aalajangerneqartut ingerlanneqarnissaannut pisariaqartinneqarpat,
- 3)nuussinissaq isumaqatigiissutip nalunaarsorneqartup soqtiginninneratigut qarasaasiakkut paasissutissanut akisussaasup allallu akornanni atsiorneqarnissaanut ingerlanneqarnissaanulluunniit pisariaqartinneqarpat,
- 4)nuussinissaq inuiaqatigiinnit soqtigineqartoq pingaarutilik illersorniarlugu inatsilluunniit imaluunniit inatsit naapertorlugu aalajangersakkat malinneqarnissaannut pisariaqartinneqarpat imaluunniit inatsisitigut piumasaqaatit aalajangersarneqarsinnaanissaannut, atuutsinniarnissaannut imaluunniit illersorniarnissaannut pisariaqartinneqarpat,
- 5)nalunaarsorneqartup pingaartillugit soqtigisai illersorniarluginit nuussinissaq pisariaqartinneqarpat,
- 6)nuussineq nalunaarsuiffimmit inatsit imaluunniit inatsit naapertorlugu aalajangersakkat malillugit tamanit takuneqarsinnaatitaasumit imaluunniit inunnit tamatumunnga soqtiginnillutik takunnissinnaatitaanermut upernarsaatissaqartunit takuneqarsinnaatitaasumit nuussineruppat, kikkunnilluunniit takunnissinnaatitaanermut piumasaqaatit inatsimmi aalajangersarneqartut pisuni immikkut ittuni eqquutsinnejarnissamatillugit,
- 7)pissutsinik pillagaassutaasinnaasunik pinaveersaartitsinissaq, misissuinissaq malersuinissarlu aamma eqqartuussummik naammassinninnissaq aammalu eqqartuussutinut inatsisit malillugit malersuinissaq pillugu suliani pasilligaasunik, takunnissimasunik allanilluunniit illersuinissaq eqqarsaatigalugu nuussinissaq pisariaqartinneqarpat imaluunniit
- 8)pisortani isumannaatsuunissaq, naalagaaffimmik illersuinissaq imaluunniit naalagaaffimmi isumannaatsuunissaq eqqarsaatigalugit nuussinissaq pisariaqartinneqarpat.

Imm. 4. Imm. 3-mi pisut taaneqartut saniatigut nunamut allanut imm. 1-imik naammassinninngitsumut paasissutissanik nuussisoqarnissaa nakkutilliinermi oqartussat akuerisinnaavaat qarasaasiakkut paasissutissanut akisussaasoq nalunaarsorneqartut

pisinnaatitaaffiisa illersorneqarnissaannut naammaginartumik qularnaveeqqusiippat.

Nuussinermi atugassarititaasunik erseqqinnerusunik aalajangersaasoqarsinnaavoq.

Imm. 5. Paasissutissat nunanut allanut nuunneqarsinnaapput imm. 4, oqaaseqatigiit siullit malillugit akuersissutertaqanngitsumik, isumaqatigiissutit, isumaqatigiissutini assigiaakkani aalajangersakkanut naapertuuttut Europakommissionimit akuersissutaasut tunngavigalugit.

Imm. 6. Inatsimmi matumani malittarisassat imm. 1, aama 3 malillugit nunanut allanut paasissutissanik nuussinernut aammattaaq atuupput.

Immikkoortoq III

Nalunaarsorneqartut pisinnaatitaaffii

Kapitali 8

Nalunaarsorneqartumut paasissutissiisussaatitaaneq

§ 28. Nalunaarsorneqartoq pillugu paasissutissanik katersinermi qarasaasiakkut paasissutissanut akisussaasoq taassumaluunniit sinniisua makku pillugit nalunaarsorneqartumut nalunaaruteqassapput:

- 1) Qarasaasiakkut paasissutissanut akisussaasup taassumalu sinniisuata kinaassusiat.
- 2) Suliarinninnermi paasissutissanik atuiffiusumi siunertat.
- 3) Paasissutissat allat tamarmik, pissutsit immikkut ittut paasissutissanik katersinermik tunngavillit eqqarsaatigalugit nalunaarsorneqartup soqtigisaminik isumaginninnissaanut pisariaqartinneqartut, soorlu:
 - a) Tigisisussat kikkuuneri.
 - b) Apeqqtigineqartunut pinngitsoorani imaluunniit nammineq piumassuseq naapertorlugu akissuteqarfingineqassanersut kiisalu akissuteqanngikkaanni kinguneritinneqarsinnaasut.
 - c) Paasissutissat nalunaarsorneqartumut attuumassuteqartut pillugit takunnissinnaatitaaneq iluarsiisinnaanerlu pillugit malittarisassat.

Imm. 2. Nr.1-3-mi paasissutissat taaneqartut nalunaarsorneqartumit ilisimaneqareerpata imm. 1-im i aalajangersagaq atuutissanngilaq.

§ 29. Paasissutissat nalunaarsorneqartumit pissarsiarineqarsimatinngagit imaluunniit paasissutissat katersorneqartut inummuit allamut ingerlateqqinnejarnissaat aalajangerneqarsimatillugu kingusinnerpaamik paasissutissat ingerlateqqinnejalerneranni qarasaasiakkut paasissutissanut akisussaasoq imaluunniit nalunaarsuinermi taassuma sinniisua nalunaarsorneqartumut makku pillugit nalunaaruteqarnissaminut pisussaatitaapput:

- 1)Qarasaasiakkut paasissutissanut akisussaasup taassumalu sinniisuata kinaassusiati.
- 2)Suliarinninnermi paasissutissanik atuiffiusumi siunertarineqartut.
- 3)Paasissutissat allat tamarmik, pissutsit immikkut ittut paasissutissanik katersinermi tunngavagineqartut eqqarsaatigalugit nalunaarsorneqartup soqtigisaminik isumaginninnissaanut pisariaqartinneqartut, soorlu:
 - a)Paasissutissat qanoq ittut pineqarnersut.
 - b)Tigusisussat kikkuuneri.
 - c)Apeqqtigineqartunut pinngitsoorani imaluunniit nammineq piumassuseq naapertorlugu akissuteqarfingineqassanersut aamma akissuteqanngikkaanni kinguneritinneqarsinnaasut.

Imm. 2. Nalunaarsorneqartup paasissutissat nr. 1-3-mi taaneqartut ilisimareerpagit imaluunniit nalunaarsuineq ingerlatitseqqinnerluunniit inatsimmi imaluunniit aalajangersakkani inatsit naapertorlugu aalajangersarneqartuni erseqqisumik aalajangersarneqarsimappat imm. 1-im i aalajangersagaq atuutissanngilaq.

Imm. 3. Aammattaaq nalunaarsorneqartoq nalunaarfingineqarsinnaanngitsoq immaqaluunniit nalunaarsorneqartup nalunaarfingineqarnissaa ajornakusoortoq paasineqarpas imm. 1-im i aalajangersagaq atuutissanngilaq.

§ 30. Nalunaarsorneqartup paasissutissanik paasitinneqarnissaminik soqtiginninnera inuinnaat soqtigisaasa mianerilluinnarneqarnissaannit, tassunga ilanngullugu nalunaarsorneqartup nammineq mianerineqarnissaanit pingarnerunngitsutut isigineqarpas § 28, imm. 1 aamma § 29, imm. 1-im i aalajangersakkat atuutissanngillat

Imm. 2. § 28, imm. 1 aamma § 29, imm. 1-imi aalajangersakkat aamma malinnginnejarsinnaapput nalunaarsorneqartup paasissutissanik paasitinneqarnissaminik soqutiginninnera pisortat soqutigisaasa mianerineqarluinnarnissaannit pingarnerunngitsutut isigineqarpat, tassunga ilanngullugu pingaartumik makku mianerineqarnissaat eqqarsaatigalugu

- 1) naalagaaffiup isumannaatsuunissa,
- 2) sakkutooqarneq,
- 3) pisortat isumannaatsuunissaat,
- 4) pinerluttulerinermik suliani pinaveersaartitsineq, misissuineq malersuinissarlu imaluunniit inuussutissarsiutinut inatsisitigut maleruagassiuunneqartuni ileqqorissaarnissamut malittarisassanik unioqqutitsinermut atatillugu,
- 5) Kalaallit Nunaanni, naalagaaffimmi Den Europæiske Unionimi ilaasortami imaluunniit Den Europæiske Unionimi aningaasaqarnikkut aningaasalersuinikkullu soqutigisat pingaarutillit, tassunga ilanngullugit nunat allat aningaasaannut, missingersuutinut akileraartarnermullu attuumassutillit, aamma
- 6) misissuinermi, nakkulliinermi malittarisassiuinermilu suli, tassunga ilanngullugit nr. 3-5-imi suliassaqarfinni taaneqartuni pisortat oqartussaasuisa ingerlatsinerata ilaatut suli ingerlanneqarallartut.

Kapitali 9

Nalunaarsorneqartup takunnissinnaatitaanera

§ 31. Inuk qinnuteqaammik saqqummiussaqarpat pineqartoq pillugu paasissutissanik suliarinnittoqarneranik qaraasaasiakkut paasissutissanut akisussaasup pineqartoq nalunaarfigissavaa. Paasissutissanik taamaattunik suliarinnittoqarpat nalunaarsorneqartoq makku pillugit paasiuminartumik nalunaarfigineqassaaq,

- 1)paasissutissat sorliit suliarineqarnersut,
- 2)suliarinninnermi siunertaq,
- 3)paasissutissanik tigusisussat kikkuuneri aamma
- 4)paasissutissat taakku sumit pissarsiarineqarnerannik paasissutissat pissarsiarineqarsinnaasut.

Imm. 2. Imm. 1-imni taaneqartutut qinnuteqaatit qarasaasiakkut paasissutissanut akisussaasumit piaartumik akissuteqarfingineqassapput. Qinnuteqaatip tiguneqarneranit sapaatip akunneri sisamat qaangiutsinnagit akissuteqartoqanngippat tamatumunnga pissutaasoq aamma qaqugu aalajangiinissap naatsorsuutigineqarneranik qarasaasiakkut paasissutissanut akisussaasoq pineqartumut nalunaaruteqassaaq.

§ 32. § 30-mi aalajangersakkat taamatuttaaq assinganik atorneqassapput.

Imm. 2. Paasissutissat pisortat ingerlatsivianni allaffissornikkut sulianik ingerlatsinermut atatillugu suliarineqartut pisortat ingerlatsinerat pillugu paasitinneqarsinnaatitaanermut

inatsimmi § 2 –mi kiisalu §§ 7-11 aamma 14-im i malittarisassat kunngip peqqussutaatigut Kalaallit Nunaannut atuutsinneqartut imaluunniit pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 2, kiisalu § 7-11 aamma 14-im i malittarisassat malillugit paasitinneqarsinnaatitaaneq assigalugu ilaatinneqanngissinnaapput.

Imm. 3. Paasissutissat ilisimatusarnermi siunertanut atatillugu taamaallaat suliarineqarpata imaluunniit paasissutissat piffissap kisitsisitigut paasissutissanik suliarinninnermut pisariaqartinneqartup taamaallaat nalaani uninngatinneqartillugit § 31, imm. 1-im i aalajangersagaq atorneqassanngilaq.

Imm. 4. Pinerluttulerinermik inatsimmi paasissutissanut pisortat ingerlatsivii sinnerlugit suliarineqartunut atatillugu § 31, imm. 1 malillugu paasissutissanik pisinnaatitaanerup atuutinnginnissaanut inatsisinik atortitsinermut ministeri aalajangersaasinnaavoq, taamaaliornikkut, tak. tassunga atatillugu § 30, nalinginnaasumik paasitinneqarsinnaatitaanermik qinnuteqaatit itigartinneqartariaqarnerannik kinguneqartussatut § 32, imm. 1-im i aalajangersagaq isigineqartariaqarpoq.

§ 33 Inuk nalunaarsorneqartoq § 31, imm. 1 malillugu nalunaarfigineqartoq nalunaarutip kingulliup kingorna aatsaat qaammatit arfinillit qaangiunnerini nutaamik nalunaarfigineqarnissaminik piumasqaateqarsinnaavoq, tamatumunnga immikkut soqtigisanut akuersissuteqartoqanngippat.

§ 34 § 31, imm. 1 naapertorlugu nalunaaruteqarnerit qinnuteqartoqartillugu allaganngorlugit tunniunneqassapput. Taamaattorli pisuni nalunaarsorneqartoq mianerineqartariaqartillugu paasissutissat imaat pillugit oqaasiinnakkut nalunaaruteqartoqarsinnaavoq.

Imm. 2. Nalunaarutigineqartunut suliffeqarfinnut namminersortunut il.il. allakkatigut tunniunneqartunut akiliutit pillugit malittarisassanik inatsisinik atortitsinermut ministeri aalajangersaasinnaavoq.

Kapitali 10

Pisinnaatitaanerit allat

§ 35 Nalunaarsorneqartup paasissutissat imminut attuumassutilit suliarineqarnissaat pillugu qaraasiakkut paasissutissanut akisussaasumut sukkulluunniit maalaaruteqarsinnaavoq.

Imm. 2. Imm. 1 malillugu maalaaruteqartoqarsinnaatitaappat paasissutissat pineqartut suliariinninnermut ilaatinneqarunnaassapput.

§ 36 Atuisoq tamatumunnga maalaarummik saqqummiussaqarpat suliffeqarfip nittarsaassinissaq siunertaralugu pineqartoq pillugu paasissutissat suliffeqarfimmut allamut saqqummiussinnaanngilai imaluunniit taama siunertaqluni suliffeqarfik alla sinnerlugu paasissutissat atorsinnaanagit.

Imm. 2. Nittarsaassinissaq siunertaralugu suliffeqarfip atuisoq pillugu paasissutissanik suliffeqarfimmut allamut ingerlatitseqqinqinnermini imaluunniit taama siunertaqluni suliffeqarfik alla sinnerlugu paasissutissanik atuinnginnermini suliffeqarfip imm. 1 malillugu maalaaruteqarsinnaatitaaneq pillugu erseqqisumik paasuminartumillu nalunaaruteqassaaq. Tamatuma peqatigisaanik atuisoq sapaatip akunneri marluk ingerlaneranni pisariitsumik maalaaruteqarnissamut periarfissinneqassaaq. Maalaaruteqarnissamut piffissaq naatinnagu paasissutissat ingerlateqqinnejassanngillat.

Imm. 3. Suliffeqarfik maalaarutip suliariineqarneranut akileeqqusisinnaanngilaq.

§ 37 Paasissutissat eqqunngitsutut paatsuunganartunillu takutitsisutut paasineqartut imaluunniit taamaaqataanik inatsimmut inatsilluunniit naapertorlugu aalajangersakkanut akerliusumik suliariineqartut inuk nalunaarsorneqartoq tamanna pillugu qinnuteqaammik saqqummiussaqarpat qarasaasiakkut paasissutissanut akisussaasup paasissutissat iluarsissavai, piissavai mattullugilluunniit.

Imm. 2. Paasissutissat ingerlateqqinnejartut imm. 1 naapertorlugu iluarsineqarnerat, peerneqarnerat mattunneqarneralluunniit pillugu qarasaasiakkut paasissutissanut akisussaasup inuk alla nalunaaruteqarfigissavaa tamanna pillugu inuk nalunaarsorneqartoq qinnuteqaammik saqqummiussaqarpat. Taamaattorli nalunaaruteqarnissaq periarfissaanngitsoq immaqaluunniit ajornakusoortoq paasineqarpat tamanna atuutissanngilaq.

§ 38 Nalunaarsorneqartup akuersissutini uterteqqissinnaavaa.

§ 39 Inuk nalunaarsorneqartoq tamatumunnga akerliuppat qarasaasiakkut paasissutissanut akisussaasup nalunaarsorneqartoq aalajangikkaniq inatsisitigut sunniuteqartussanik imaluunniit pineqartumut annertuumik sunniuteqartussanik aamma inuttut atukkat aalajangersimasut

nalilorsorniarlugit paasissutissanik qarasaasiakkut elektroniskiusumik suliarinninneq kisiat tunngavigalugu aalajangikkanik malinninnissaa inassutigisinnaanngilaa.

Imm. 2. Imm. 1-imí aalajangersagaq atuutissanngilaq

1) aalajangigaq pineqartoq isumaqtigiissuteqarnissap ilaatut imaluunniit isumaqtigiissutip naammassineqarnissaanut atasumik aalajangerneqarpat, nalunaarsorneqartup isumaqtigiissuteqarnissaq isumaqtigiissutilluunniit naammassineqarnissaa pillugu qinnuteqaataa malinnejqarsimappat imaluunniit nalunaarsorneqartup pissutilimmik soqutigisaata illersorneqarnissaanut naleqquatumik atugassaqartitsisoqarsimappat imaluunniit

2) aalajangigaq pineqartoq nalunaarsorneqartup pissutilimmik soqutigisaasa illersorneqarnissaat pillugu inatsimmik aalajangersakkanik imalimmik tunngaveqarpat.

Imm. 3. Imm. 1-imí taaneqartutut aalajangiinermi malittarisassat sorliit tunngavigneqarsimanersut pillugu qarasaasiakkut paasissutissanut akisussaasumit nalunaarsorneqartoq sapinngisamik piaartumik tunngavissaqanngitsumillu kinguarsaanertaqanngitsumik paasitinnejqarsinnaatitaavoq. § 30 aamma assinganik atuuppoq.

§ 40 Nalunaarsorneqartup paasissutissat imminut attuumassuteqartut suliarineqarnerat pillugu nakkutilliinermi oqartussaasumut naammagittaalliorsinnaavoq.

Immikkoortoq IV

Isumannaassuseq

Kapitali 11

Suliarinninnermi isumannaassuseq

§ 41 Inuit, suliffeqarfíit il.il. qarasaasiakkut paasissutissanut akisussaasup imaluunniit qarasaasiakkut paasissutissanik suliarinnittartup ataani sulianik ingerlatsisut aamma paasissutissanik pissarsisinnaatitaasut inatsimmi inatsilluunniit naapertorlugu aalajangersakkat malillugit allanik aalajangersaasoqarsimangippat qarasaasiakkut paasissutissanut akisussaasumit ilitsersorneqarluni aatsaat taakkuninnga suliarinnissinnaapput.

Imm. 2. Ilitsersuineq imm. 1-imi taaneqartoq tusagassortutut kiffaanngissusermik killilersuissangilaq imaluunniit eqqumiitsuliorluni atuakkiorluniluunniit tunisassiap pinngortinneqarnissaanut akimmiffiussanani.

Imm. 3. Paasissutissat nalaatsorermik imaluunniit inatsisinik unioqqutsisisoqarneratigut suujunnaarsinnejqarsinnaanerat, annaaneqarsinnaanerat ajorseriaateqarsinnaaneralluunniit akiorniarlugu kiisalu allanit susassaqanngitsunit ilisimaneqalersinnaanerat, atornerlunneqarsinnaanerat allatulluunniit inatsimmut akerliusumik passunneqarsinnaanerat akiorniarlugu teknikikkut aaqqissuussaanikkullu isumannaallisaatinik pisariaqartunik qarasaasiakkut paasissutissanut akisussaasoq aalajangiissaq. Qarasaasiakkut paasissutissanik suliarinnittartunut tamanna aamma atuuppoq.

Imm. 4. Paasissutissanut pisortat ingerlatsiviat sinnerlugu suliarineqartunut aamma takornartanut pissaanilinnut immikkut soqtigineqartunut atatillugu sorsuttoqalissagaluarpat assigisaanilluunniit pisoqassagaluarpat peerneqarnissaannut suujunnaarsinnissaannullu periarfissiisunik aalajangiisoqassaaq.

Imm. 5. Isumannaallisaatit imm. 3-mi taaneqartut pillugit inatsisinik atortitsinermut ministeri malittarisassanik erseqqinnerusunik aalajangersaasinnaavoq.

§ 42. Qarasaasiakkut paasissutissanut akisussaasup suliarinninneq qarasaasiakkut paasissutissanik suliarinnittartumut tunniuppagu qarasaasiakkut paasissutissanik suliarinnittartup § 41, imm. 3-5-imi teknikikkut aaqqissuussaanikkullu isumannaallisaatinik taaneqartunik aalajangiisinnanissaa qarasaasiakkut paasissutissanut akisussaasup quakkiissavaa aamma tamatuma pinissaa nakkutigissallugu.

Imm. 2. Qarasaasiakkut paasissutissanik suliarinnittartoq suliarinnissatillugu tamanna illuatungeriit akornanni allakkatigut isumaqatigiissut naapertorlugu pissaaq. Isumaqatigiissummi allassimassaaq qarasaasiakkut suliarinnittartoq qarasaasiakkut paasissutissanut akisussaasumit ilitsersuutit malillugit taamaallaat iliuuseqassasoq aamma § 41, imm.3-5-imi malittarisassat qarasaariakkut paasissutissanik sulianittartup suliarinninneranut aamma atuuttut ilanngullugit. Qarasaasiakkut paasissutissanik suliarinnittartoq naalagaaffimmi Den Europæiske Unionimi ilaasortaasumi pilersinneqarsimappat isumaqatigiissummi allassimassaaq naalagaaffimmi Den Europæiske Unionimi ilaasortaasumi qarasaasiakkut paasissutissanik suliarinnittartup inissisimaffigisaani isumannaallisaatit pillugit aalajangersakkat inatsimmi aalajangersarneqartut tassunga atuutissasut.

Immikkoortoq V

Nalunaarutiginnittarneq

Kapitali 12

Suliarinninnernik pisortat ingerlatsiviannit ingerlanneqartunik nalunaarutiginnittarneq

§ 43. Paasissutissanik suliarinninnermik pisortat ingerlatsiviannit ingerlanneqartussanik aallartitsinnginnermi qarasaasiakkut paasissutissanut akisussaasoq imaluunniit taassuma sinniisua Datatilsynimut nalunaarutiginnissapput, taamaattorli tak. § 44. Qarasaasiakkut paasissutissanut akisussaasoq oqartussaasut inuinnaalluunniit allat nammineq sinnerluni nalunaaruteqarnissamut piginnaatissinnaavai.

Imm. 2. Nalunaarutiginninneq makku pillugit paasissutissanik imaqassaaq:

- 1) Qarasaasiakkut paasissutissanut akisussaasup, taassuma sinniisorisinnaasaa immaqalu qarasaasiakkut paasissutissanik suliarinnittartup aqqa najugaallu.
- 2) Suliarinninnerup taaguutaa siunertarisaalu.
- 3) Suliarinninnerup nalinginnaasumik nassuaatigineqarnera.
- 4) Nalunaarsorneqartut kikkuunerinik aamma paasissutissat taakkununnga attuumassutilit suussusii pillugit nassuaat.
- 5) Tigisisussat imaluunniit tigisisussat kikkuuneri paasissutissanik nuussivigineqarsinnaasut.
- 6) Paasissutissat nunamut allamut nuunneqalersaartut.
- 7) Suliarinninnermi isumannaatsuunissaq pillugu atortulersuutit aallartinneqartut nalinnginnaasumik nassuiarneqarnerat.
- 8) Piffissaq suliarinninnerup aallartiffia.
- 9) Piffissaq paasissutissat peerneqarfiat.

§ 44. Paasissutissanik isertuussassaanngitsunik suliarinninneq § 43-mi malittarisassani ilaatinneqanngillat, taamaattorli tak. imm. 2. Aammattaaq nalunaarutiginneqqaarani suliarinninnermit taamaattumut ilaatinneqarsinnaapput kinaassuseq pillugu paasissutissat,

tassunga ilanngullugu inuttut normu aamma pisortat oqartussaasuinut tassanngaanniillu akiliutit pillugit paasissutissat, § 45, imm. 1-imi taaneqartutut suliarinninneq pineqanngippat.

Imm. 2. Suliarinninnerit imm. 1-imi taaneqartut pillugit malittarisassanik erseqqinnerusunik inatsisinik atortitsinermut ministeri aalajangersaasinnaavoq.

Imm. 3. Aammattaaq inatsit naapertorlugu imaluunniit malittarisassat inatsit naapertorlugu atortussangortinnejartut naapertorlugit nalunaarsuiffimmik ingerlatsinissaq kisiat siunertaralugu suliarinninnerit tamanut saqqummiussiviusartussatut tamanillu pissarsiarineqarsinnaasutut naatsorsuussaasut § 43-mi malittarisassani ilaatinneqanngillat.

Imm. 4. Paasissutissanik suliarinninnerit aalajangersimasut § 43-mi aalajangersakkami ilaatinnginnissaat pillugu inatsisinik atortitsinermut ministeri malittarisassanik aalajangersaasinnaavoq. Taamaattorli suliarinninnerit § 45, imm. 1-imi taaneqartut ilaatinneqanngillat.

§ 45. Suliarinninnerup § 43-mi nalunaaruteqartussaatitaanermut ilaatinneqartup aallartinneqannginnerani Datatilsynimit oqaaseqaammik pissarsiniartoqqaassaaq

1) suliarinninnermi paasissutissat § 7, imm. 1 aamma § 8, imm. 1-imi taaneqartut ilaatinneqarpata,

2) inatsisit pillugit paasissutissiisarnermi periutsit ingerlanneqarnissaat siunertaralugu suliarinninneq taamaallaat ingerlanneqassappat,

3) ilisimatusarnermik imaluunniit kisitsisitigut paasissutissanik siunertaqluni suliarinninneq taamaallaat ingerlanneqassappat imaluunniit

4) nakkutilliinissamik siunertaqluni paasissutissanik sanilliussiniarluni ataatsimoortumilluunniit ingerlatsiniarluni suliarinnittooqassappat.

Imm. 2. Imm. 1-imi taaneqartut saniatigut suliarinninnerit allat aallartinneqannginneranni Datatilsynimit oqaaseqaammik pissarsiniartoqarnissaa pillugu inatsisinik atortitsinermut ministeri malittarisassanik aalajangersaasinnaavoq.

§ 46. Paasissutissan § 43, imm. 2-mi taaneqartuni allannguutit aallartinneqannginnerini nakkutilliisunut nalunaaruteqartoqqaassaaq. Aallannguutit annikinnerusumik pingaarutillit kingusinnerusukkut nalunaarutigineqarsinnaapput, taamaattorli aallartinneqarnerannit kingusinnerpaamik sapaatip akunneri sisamat qaangiutsinnagit.

Imm. 2. Paasissutissat § 43, imm. 2-mi taaneqartut allannguutaasa aallartinnginnerini suliariinninnernik nalunaarutiginninnernut § 45, imm. 1 imaluunniit 2-mi ilaatinneqartunut atatillugu nakkutilliisunit oqaaseqaammik pissarsiniartoqaqqaassaaq. Allannguutit annikinnerusumik pingaarutillit taamaallaat nalunaarutigineqassapput. Kingusinnerusukkut nalunaarutiginnittoqarsinnaavoq, taamaattorli aallartinneqarnerannit kingusinnerpaamik sapaatip akunneri sisamat qaangiutinnginneranni.

§ 47 Pisuni qarasaasiakkut paasissutissanik akisussaaffiup Kalaallit Nunaanni oqartussaasumut appasinnerusumik inissisimasumut tunniunneqarnerani suliariinninnerullu ingerlanneqarnissaq nakkutilliisunit akuerineqarsinnaanngippat suliaq Kalaallit Nunaanni ministerimut susassaqartumut saqqummiunneqassaaq, taannalu suliammi aalajangiissalluni. Pisuni qarasaasiakkut paasissutissanik akisussaaffiup naalagaaffimmi oqartussaasumut tunniunneqarnerani suliariinninnerullu ingerlanneqarnissaq nakkutilliisunit akuerineqarsinnaanngippat suliaq Danmarkimi ministerimut susassaqartumut saqqummiunneqassaaq, taannalu suliammi aalajangiissalluni.

Imm. 2. Suliarinninnerup Kalaallit Nunaanni kommunimi oqartussaasumit ingerlanneqarnissaq nakkutilliisunit akuerineqarsinnaanngippat suliaq Kalaallit Nunaanni ministerimut kommuninut attuumassutilinnik akisussaasumut saqqummiunneqassaaq, taannalu suliammi aalajangiissalluni.

Kapitali 13

Suliariinninnernik qarasaasiakkut paasissutissanik akisussaasumit inuinnarmit ingerlanneqartunik nalunaarutiginnittarneq

§ 48 Paasissutissanik qarasaasiakkut paasissutissanut akisussaasoq inuinnaq sinnerlugu suliariinninnissaq aallartitsinnagu qarasaasiakkut paasissutissanut akisussaasoq taassumaluunniit sinniisua Datatilsynimut nalunaaruteqaqqaassapput, taamaattorli tak. § 49.

Imm. 2. Nalunaarutiginninneq paasissutissanik § 43, imm. 2-mi allassimasunik imaqassaaq.

§ 49 Paasissutissanik suliariinninneq, pisut § 50, imm. 2-mi taaneqartut pinnagit, § 48-mi malittarisassani ilaatinneqassanngilaq

- 1)sulisut pillugit paasissutissat suliarinninnermi ilaatinneqarpata, paasissutissat § 7, imm. 1 aamma § 8, imm. 4-mi taaneqartut suliarinninnermi ilaatinneqanngippata,
- 2)sulisut peqqissusaat pillugu paasissutissat suliarinninnermi ilaatinneqarpata, peqqissuseq pillugu paasissutissanik suliarinnineq inatsimmi aalajangersakkat imaluunniit inatsit naapertorlugu malittarisassat aalajangersarneqartut eqquutsinissaannut pisariaqartinneqarpat,
- 3)sulisut pillugit paasissutissat suliarinninnermi ilaatinneqarpata, ataatsimoortumik isumaqtigiissutip imaluunniit sulifeqarnermi ataatsimoortumik isumaqtigiissutip kingunerisaanik nalunaarsuinissaq pisariaqartinneqarpat,
- 4)sullitat, pilersuisut niuerermiluunniit attaveqarfiit allat pillugit paasissutissat suliarinninnermi ilaatinneqarpata, paasissutissat § 7, imm. 1 aamma § 8, imm. 4-mi taaneqartut ilaatinneqanngippata imaluunniit suliarinninnerit § 50, imm. 1, nr. 4-mi taaneqartut pineqanngippata,
- 5)niuerermik misissuinerit ingerlanneqarnissaat siunertaralugu suliarinnineq ingerlanneqarpat, paasissutissat § 7, imm. 1 aamma § 8, imm. 4-mi taaneqartut suliarinninnermi ilaatinneqanngippata,
- 6)suliarinninneq peqatigiiffimmit assigisaanilluunniit ingerlanneqarpat, peqatigiiffiup ilaasortai pillugit paasissutissat kisimik suliarineqarpata,
- 7)suliarinninneq eqqartuussissuserisunit imaluunniit kukkunersiusunit, taakku suliamik ilaatut ingerlanneqarpat, sullitanut pissutsit pillugit paasissutissat kisimik suliarineqarpata,
- 8)suliarinninneq, nakorsanit, peqqissaasunit, kigutit nakorsaannit, kigutaasiortunit, nakorsaasiortunit, katsorsaanermi ikiortinit, kiropraktorinit inunnillu assigisaannit peqqissutsimut napparsimasunillu paarsinerup iluini suliaqarnissamut akuerisaasunit ingerlanneqarpat, paasissutissat taama suliaqarnermi taamaallaat atorneqassappata aamma paasissutissanik suliarinninneq napparsimmavik namminersortoq sinnerlugu ingerlanneqanngippata imaluunniit
- 9)suliarinninneq peqqissutsikkut iliuuseqarnikkut sullissinermi atorneqartussatut ingerlanneqarpat.

Imm. 2. Inatsisinik atortitsinermut ministeri suliarinninnerit imm. 1-im i taaneqartut pillugit malittarisassanik erseqqinnerusunik aalajangersaasinnaavoq.

Imm. 3. Inatsisinik atortitsinermut ministeri suliarinninnerit allat § 48-mi aalajangersakkamit ilaatinnginnissaat pillugu malittarisassanik aalajangersaasinnaavoq. Taamaattorli

suliarinninnerit § 50, imm. 1-imi ilaatinneqartut pineqanngillat, suliarinninnerit § 50, imm. 3 malillugu ilaatinneqanngikkunik.

§ 50. Suliarinninnermik § 48-mi nalunaaruteqartussaatitaanermut ilaatinneqartumik aallartitsinnginnermi Datatilsynimit akuersisummik pissarsiniartoqaqqassaqq

1) suliarinninnermi paasissutissat § 7, imm. 1 aamma § 8, imm. 4-mi taaneqartunut ilaatinneqarpata,

2) nalunaarsorneqartup niueqatigiinnikkut attaveqarfinginissaata atorfinitssinneqarnissaataluunniit allanut aarlerisaarutigineqarnissaa siunertaralugu paasissutissanik suliarinninneq ingerlanneqarpata,

3) aningaasaqarnikkut patajaassutsimik akiligassarsisinaassutsimillu naliliinissamut atugassanik paasissutissanik inuussutissarsiutinut attuumassuteqartumik ingerlatitseqqinnissaq siunertaralugu suliarinninneq ingerlanneqarpata,

4) atorfimmik inuttaliinissami inuussutissarsiutinut attuumassuteqartunit ikiorneqarnissaq siunertaralugu suliarinninneq ingerlanneqarpata imaluunniit

5) inatsisit pillugit paasissutissiisarnermi periutsinik ingerlatsinissaq kisiat siunertaralugu suliarinninneq ingerlanneqarpata.

Imm. 2. § 27, imm. 1 aammalu imm. 3, nr. 2-4 naapertorlugit nunanut allanut imm. 1-imi taaneqartutut paasissutissanik nuussinermi Datatilsynimit nuussinissaq pillugu akuersisummik pissarsiniartoqaqqassaqq, suliarinninnerup § 49, imm. 1 naapertorlugu nalunaaruteqarnissamut ilaatinneqannginnera apeqquataatinngagu.

Imm. 3. Imm. 1, nr. 1 aamma imm. 2-mi aalajangersakkanik malinninnginnissaq pillugu inatsisinik atortitsinermut ministeri aalajangersaasinnaavoq.

Imm. 4. Imm. 1 aamma 2-mi taaneqartut saniatigut nalunaarutiginnittussaatitaalluni suliarinninnernik allanik aallartitsinnginnermi nakkutilliisunit akuersisummik pissarsiniartoqaqqassaanut malittarisassanik inatsisinik atortitsinermut ministeri aalajangersaasinnaavoq.

Imm. 5. Imm. 1, 2 imaluunniit 4 malillugit akuersisummik nalunaaruteqartoqarnermut atatillugu nalunaarsorneqartut inuttut inuunerisa illersorneqarnissaat eqqarsaatigalugu atugassaritanik erseqqinnerusunik nakkutilliisut aalajangersaasinnaapput.

§ 51 Paasissutissani § 48, imm. 2-mi, tak. § 43, imm. 2, taaneqartuni allannguutit aallartinneqannginneranni nakkutilliisunut nalunaarutigineqassapput. Aallannguutit annikinnerusumik pingaarutillit kingusinnerusukkut nalunaarutigineqarsinnaapput, taamaattorli aallartinneqarnerannit kingusinnerpaamik sapaatip akunneri sisamat qaangiutsinnaagit.

Imm. 2. Paasissutissat § 43, imm. 2-mi taaneqartut allannguutaasa aallartinnginnerini suliarinninnernik nalunaarutiginninnernut § 48, imm. 2-mi, tak § 43, imm. 2, ilaatinneqartunut atatillugu nakkutilliisunit oqaaseqaammik pissarsiartoqaqqaassaaq. Allannguutit annikinnerusumik pingaarutillit taamaallaat nalunaarutigineqassapput. Kingusinnerusukkut nalunaarutiginnittooqarsinnaavoq, taamaattorli aallartinneqarnerannit kingusinnerpaamik sapaatip akunneri sisamat qaangiunneranni.

Kapitali 14

Aalajangersakkat allat

§ 52 Qarasaasiakkut paasissutissanik suliarinnittartut Kalaallit Nunaanni ingerlataqartut aamma edb atorlugu sullissinermik ingerlataqartut suliarinninnermik aallartitsinnginnerminni Datatilsynimut nalunaaruteqaqqaassapput.

§ 53 Qarasaasiakkut paasissutissanut akisussaasup paasissutissat § 43, imm. 2, nr. 1, 2 aamma 4-6-imik taaneqartut inuk sinnerlugu suliarineqartut tamarmik qinnuiginnittunut tamanut takuneqarsinnaatissavai.

Imm. 3. Inatsisinik unioqqutitsinernik pinaveersartitsinermut, paasinianermet malersuinermullu pisariaqartinneqarpat imaluunniit inuinnaat soqtigisaasa mianerineqarnissaat mianerineqarluinnassappata paasissutissat imm. 1-imik taaneqartut tamanit takuneqarsinnaanerat killilersorneqarsinnaavoq.

Immikkoortoq VI

Nakkutilliineq inaarutaasumillu aalajangersakkat

Kapitali 15

Datatilsyni

§ 54 Suliarinninneq sunaluunniit inatsimmi ilaatinneqartoq Datatilsynimit nakkutilliivigineqassaaq.

§ 55 Datatilsynip suliassani arlaannaanulluunniit attuumassuteqanngilluinnarluni ingerlattarpai.

§ 56 Nalunaarutinik, kaajallaasitanik inatsisiniluunniit malittarisassanik nalinginnaasunik assigisaannik paasissutissanik suliarinninnermut atatillugu inuup namminerisamik inuunerata illersorneqarnissaanut pingaarutilinnik suliarinninnermi Datatilsynimit akuersissummik pissarsiniartoqartassaaq.

§ 57 Inatsit aamma malittarisassat inatsit manna naapertorlugu aalajangersarneqartut malillugit suliarinninneq ingerlaneqarnersoq Datatilsynip nammineq piumassutsini malillugu nalunaarsorneqartulluunniit naammagittaalliuuteqarneratigut nakkutigissavaa.

Imm. 2 Inunnik paasissutissat § 27, imm. 5-imi pineqartut nuunneqarnissaat immikkut ittumik pisoqartillugu nakkutilliisuititat inerteqqutigisinjaavaat imaluunniit atorunnaarsikkallarsinjaallugit.

§ 58 Qarasaasiakkut paasissutissanik akisussaasoq inuinnaq suliarinninnermik inatsit manna malillugu ingerlateqqusaanngitsumik unitsitseqqullugu aamma paasissutissat aalajangersimasut taama suliarinninnermut ilaatinneqartut iluarsineqarnissaannik, peerneqarnissaannik mattunneqarnissaannilluunniit Datatilsynimit peqquneqarsinnaavoq.

Imm. 2. Qarasaasiakkut paasissutissanik akisussaasoq inuinnaq paasissutissanik suliariinninnerut atatillugu periutsimik aalajangersimasumik nakkutilliisut atueqqunngissinnaavaat, periuseq pineqartoq inatsimmik unioqquitsilluni paasissutissanik suliariinnittooqarsinnaaneranut annertuumik navianaateqartoq nakkutilliisut isumaqarfingippassuk.

Imm. 3. Paasissutissat suliarineqaqqussaanngitsut suliarineqarsinnaanerannut, paasissutissat nalaatsornikkut inatsisinilluunniit unioqquitsilluni suujunnaarsinneqarsinnaanerannut, annaaneqarsinnaanerannut ajorseriaateqartinneqarsinnaanerannulluunniit aamma susassaqanngitsunit takuneqarsinnaanerannut, atornerlunneqarsinnaanerannut allatulluunniit inatsisinut akerliusumik suliarineqarsinnaanerannut teknikikkut aaqqissuussaanikkullu isumannaallisaatinik aalajangersimasunik aalajangeeqqullugu qarasaasiakkut paasissutissanut nakkutilliisoq inuinnaq nakkutilliisunit peqquneqarsinnaavoq.

Imm. 4. Pisuni immikkut ittuni qarasaasiakkut paasissutissanik suliariinnittartut nakkutilliisunit peqquneqarlutik nalunaarfigineqarsinnaapput imaluunniit inerteqqummik nalunaarfigineqarsinnaapput, tak. imm. 1-3.

§ 59 § 7, imm. 7, § 9, imm. 3, § 10, imm. 3, § 13, imm. 1, § 27, imm. 4, §§ 28-31, § 32, imm. 1, 2 aamma 4, §§ 33-37 kiisalu § 39 pillugit sulianik oqartussaasumut pineqartumut Datatilsyni aalajangiisarpoq.

Imm. 2. Pisuni allani qarasaasiakkut paasissutissanut akisussaasutut oqartussaasumut nakkutilliisut oqaaseqaateqartarpuit.

§ 60 Inatsit manna malillugu Datatilsynip aalajangigai allaffissornikkut oqartussaasunut allanut suliassanngortinneqarsinnaanngillat.

§ 61 Datatilsyni paasissutissamik sumilluunniit ingerlataminut pingaaruteqartumik, tassunga ilanngullugu pissuseq inatsimmi aalajangersakkanut ilaandersoq pillugu aalajangiinissamut pingaaruteqartumik paasissutissinneqarnissaminik piumasaqarsinnaavoq.

Imm. 2. Ininut tamanut pisortat ingerlatsiviat sinnerlugu suliarinniffiusunut, aqtsiviusunut imaluunniit paasissutissanik suliarinninnermut atorneqartunik pissarsiviusinnaasunut aamma ininut paasissutissanik imaluunniit teknikkut atortulersutinik uninngatitsiviusunut atuiffiusunulluunniit nakkutilliisuni ilaasortat sulisullu kinaassutsimik upternarsaat pisariaqartoq atorlugu eqqartuussivik aalajangiiseqqaarnagu sukkulluunniit isersinnaatitaapput.

Imm. 3. Imm. 2-mi aalajangersagaq taamaqataanik atuuppoq suliarinninnernut qarasaasiakkut paasissutissanut akisussaasunit inuinnarnit ingerlanneqartunut, suliarinninneq § 50-imi ilaatinneqartillugu.

Imm. 4. Aamma suliarinninneq qarasaasiakkut paasissutissanik suliarinnittartumit § 52-imisut taaneqartumit ingerlanneqartoq eqqarsaatigalugu imm. 2-mi aalajangersagaq atuuppoq.

§ 62. Inatsit manna tassanilu allannguutit malillugit nalunaaruteqarnerit akuersissutinillu qinnuteqaatit aalajangersimanerusumik iluseqartillugit tunniunneqarsinnaasut tunniunneqassasalluunniit Datatilsynimit aalajangerneqarsinnaavoq.

Imm. 2. Inatsit manna malillugu nalunaarutinik akuersissutinillu qinnuteqaatinik makkuninnga tunniussinermi 2.000 kr.-inik akiliisoqassaaq:

- 1) § 48 naapertorlugu nalunaaruteqarnerit.
- 2) § 50 naapertorlugu akuersissut.
- 3) § 52 naapertorlugu nalunaaruteqarnerit.

Imm. 3. Imm. 2, nr. 1 aamma 3-mi taaneqartutut nalunaarut akiliisoqareerpat tunniunneqartutut aatsaat isigineqalissaq. Imm. 2, nr. 2-misut taaneqartutut akuersissutip akiliisoqqaartinnagu nalunaarutigineqarnissaa Datatilsynimit aalajangerneqarsinnaavoq.

Imm. 4. Imm. 2, nr. 1 aamma 2-mi aalajangersakkat suliarinninnernut ilisimatusarnermik kisitsisitigulluunniit paasissutissiornermik taamaallaat siunertaqluni ingerlanneqartunut atuutinngillat.

Imm. 5. Suliarinninneq § 48 malillugu nalunaarutigineqarlunilu § 50 malillugu akuersissutigineqarpat akiliut ataasiinnaq akilerneqassaaq.

§ 63. Datatilsynip nammineq aalajangigaanik imaluunniit naalagaaffiup ilaasortaasup allap qinnuigininneranit paasissutissanik suliarinninneq Kalaallit Nunaanni ingerlanneqartoq inatsisinut naapertuunersoq nakkutigineqarsinnaavoq, suliarinninnerup pineqartup naalagaaffimmi Den Europæiske Unionimi ilaasortaasumi inatsimmi ilaatinneqarnera apeqquaatinngu. §§ 55 aamma 61-imí aalajangersakkat assinganik atuupput.

Imm. 2. Aammattaaq naalagaaffinni Den Europæiske Unionimut ilaasortaasuni nakkutilliinermik oqartussaasunut paasissutissanik Datatilsyni ingerlatitseqqissinnaavoq, taamaaliornissaq inatsimmi matumani aalajangersakkat imaluunniit naalagaaffiup ilaasortaasup paasissutissanik illersuisarneq pillugu inatsit malinnejarnersoq pillugu nakkutilliinissamut pisariaqartinneqarpat.

Kapitali 16

Taarsiissuteqarnissamik akisussaaffik pinerluttulerinermilu inatsimmut atatillugu akisussaaffik

§ 64 Inatsimmi matumani aalajangersakkanik unioqqutitsilluni suliarinninnerni ajoqusikkanut qarasaasiakkut paasissutissanut akisussaasoq taarsiissuteqassaaq, taamaaliortoqassanani lu paasissutissanik suliarinninnermut atatillugu mianersornissaq peqqissaarnissarlu piumasaqaataasut aqqutigalugit ajoquserneq pinngitsoortinnejarnersinnaasimanngitsoq uppernarsarneqarsinnaappat.

§ 65 Suliarinninnermut inuiannaat sinnerlugit ingerlanneqartumut atatillugu,

1) § 4, imm. 5, § 5, imm. 2-5, § 6, § 7, imm. 1, § 8, imm. 4, 5 aamma 7, § 9, imm. 2, § 10, imm. 2 aamma 3, oqaaseqatigiit siullit, § 11, imm. 2 aamma 3, § 12, imm. 1 aamma imm. 2, oqaaseqatigiit siullit, § 13, imm. 1, oqaaseqatigiit siullit, §§ 20-25, § 26, imm. 1, imm. 2, oqaaseqatigiit appaat, aamma imm. 3, § 27, imm. 1, § 28, imm. 1, § 29, imm. 1, § 31, §§ 33 aamma 34, § 35, imm. 2, §§ 36 aamma 37, § 39, imm. 1 aamma 3, § 41, imm. 1 aamma 3, § 42, § 48, § 50, imm. 1 aamma 2, § 51, § 52 imaluunniit § 53, imm. 1-imik unioqqutitsisoq,

2) Datatilsynip § 5, imm. 1, § 7, imm. 7, § 13, imm. 1, oqaaseqatigiit aappaat, § 26, imm. 2, oqaaseqatigiit siulliit, § 27, imm. 4, §§ 28 aamma 29, § 30, imm. 1, § 31, § 32, imm. 1 aamma 4, §§ 33-37, § 39 imaluunniit § 50, imm. 2 malillugit aalajangigaanik malinninngitsoq,

3) Datatilsynip § 61, imm. 1 malillugu piumasaqaataanik malinninngitsoq,

4) § 61, imm. 3 aamma 4 malillugit Datatilsynip paasitinneqarsinnaaneranik akimmisaartitsisoq,

5) § 7, imm. 7, § 9, imm. 3, § 10, imm. 3, § 13, imm. 1, § 27, imm. 4, § 50, imm. 5-imi taaneqartutut atugassarititaasunik imaluunniit piumasaqaatinik imaluunniit inatsit naapertorlugu malittarisassat aalajangersarneqartut naapertorlugin akuersisummut atugassarititaasunik sumiginnaasoq imaluunniit

6) inerteqqutinik peqqusinnginnernilluunniit § 58 naapertorlugu nalunaarutigineqartunik malinninngitsoq pinerluttulerinermik inatsit malillugu pineqaatissiisumik eqqartuunneqarsinnaavoq.

Imm. 2. Aamma tamanna atuuppoq inunnut pisortat ingerlatsiviat sinnerlugu suliarinninnerminnut atatillugu § 41, imm. 3, imaluunniit § 52-imik unioqqutitsisumut imaluunniit § 7, mm. 7, § 9, imm. 3, § 10, imm. 3, § 13, imm. 1, § 27, imm. 4-mi taaneqartutut atugassarititaasunik imaluunniit inatsit naapertorlugu malittarisassat aalajangersarneqartut naapertorlugin akuersisummut atugassarititaasunik sumiginnaasoq.

Imm. 3. Aammattaaq naalagaaffimmi Den Europæiske Unionimi ilaasortaasumi inatsisit malillugit suliarinninnermut atatillugu Datatilsynip § 58 malillugu aalajangigaanik malinninngitsoq imaluunniit Datatilsynip § 61, imm. 1 malillugu piumasaqaataanik malinninngitsoq imaluunniit § 61, imm. 3 aamma 4 malillugit Datatilsynip takunnissinnaaneranik akimmisaartitsisoq eqqartuunneqassaaq.

Imm. 4. Inatsit naapertorlugu malittarisassanik aalajangersarneqartunik unioqqutitsisoqartillugu pinerluttulerinermik inatsit malillugu pineqaatissiisumik eqqartuussisoqarsinnaavoq.

Imm. 5. Ingerlatseqatigiiffit il.il. (inatsisitigut inuttut naatsorsuussat) pinerluttulerinermi inatsimmi kapitali 5-imi malittarisassat malillugit pinerluttulerinermi inatsit malillugu akisussaatneqarsinnaapput.

§ 66 Inuk § 50, imm. 1, nr. 2-5 imaluunniit § 52-imi taaneqartutut ingerlatsisoq suliaqartorluunniit pinerluttulerinermik inatsimmi unioqqutsitsinerminut eqqartuunneqarnermigut taama suliaqarsinnaatitaanermink arsaagaasinnaavoq, unioqqutitsineq iliuuserineqartoq atornerluinissamut navianartorsioratartitsisinnaasutut isigineqarpat. Aamma pinerluttulerinermik inatsimmi § 165, imm. 3 aamma 4 atorneqarsinnaapput.

Kapitali 17

Inaarutaasumik aalajangersakkat, tassunga ilanngullugit atuutsitsilernermut aalajangersakkat il.il.

§ 67 Pisortat ingerlatsiviat sinnerlugu sulianik ingerlanneqartunut malittarisassanik erseqqinnerusunik ministeri pineqartoq pisuni immikkut ittuni aalajangersaasinnaavoq.

§ 68 Suliarinninnernut qarasaasiakkut paasissutissanut akisussaasut inuinnaat sinnerlugin ingerlanneqartunut aalajangersimasunut atatillugu, tassunga ilanngullugit paasissutissat aalajangersimasut suliarineqarsinnaannginnerat pillugu inatsisink atortitsinermut ministeri malittarisassanik erseqqinnerusunik aalajangersaasinnaavoq.

§ 69 Sulianut atatillugu peqatigiiffit ingerlatsiviillu allat qarasaasiakkut paasissutissanut akisussaasunut inuinnarnut allanut sinniisuuusut pissusilersortarneq pillugu malittarisassanit allassimannngitsunit katersukkanik inatsimmi matumani malittarisassanik eqqortumik atuinissamut ikorfartuutaasussanik Datatilsyni suleqatigalugu suliarinnissinnaapput.

§ 70 Peqqussut ulloq 1. marts 2016-imi atuutilissaaq.

Imm. 2. Malittarisassat inatsit malillugu aalajangersarneqartut Kalaallit Nunaanni atuutsinngillat.

Imm. 3. Inuinnaat nalunaarsorneqartarnerat il.il. pillugit inatsit nr. 293, 8. juni 1978-imeersoq atorunnaarsinneqarpoq. Pisortani oqartussaasut nalunaarsuiffii pillugit inatsit nr. 294, 8. juni 1978-imeersoq peqqussutip atuutilerneranit taamaallaat eqqartuussivinnut atutissaaq.

Imm. 4. Naammagittaalliuutit nakkutilliinermiluunniit suliat peqqussutip atuutilinnginnerani pilersinneqartut malittarisassat maannamut atuuttut malillugit naammassillugit suliarineqarsinnaapput. Oqartussaaffik malittarisassat makku malillugit Registrerilsynimit (nalunaarsuiffinnik nakkutilliisoqarfimmit) ingerlanneqartussaq Datatilsynimit ingerlanneqassaaq.

Imm. 5. Suliassat inatsit malillugu Registrerilsynimit ingerlanneqartartut Datatilsynimit aamma ingerlanneqassapput.

§ 71 Suliarinninnerit inuinnaat sinnerlugit ingerlanneqartut aamma peqqussutip atuutilinnginnerani aallartinneqartut eqqarsaatigalugit kapitali 13-imi malittarisassat kingusinnerpaamik 1. marts 2019-imi eqquutsinneqarsimassapput.

Imm. 2. Suliarinninnerit pisortat oqartussaasui sinnerlugit suliarineqartut aamma peqqussutip atuutilinnginnerani aallartinneqartut eqqarsaatigalugit kapitali 12-imi malittarisassat kingusinnerpaamik 1. marts 2019-imi eqquutsinneqarsimassapput.

Imm. 3. Suliarinninnerit peqqussutip atuutilinnginnerani aallartinneqartut peqqussutip atuutilernerata kingorna akuersissuteqaqqaarnani ukiuni 3-ni ingerlateqqinnejqarsinnaapput.

Imm. 4. Peqqussutip atuutilerneranit ukiuni 3-it qaangiutsinnagit § 52-imi aalajangersagaq malillugu nalunaarutiginnittooqassaaq.

Imm. 5. Inatsisinik atortitsinermut ministeri Kalaallit Nunaanni Namminersorlutik Oqartussanik isumaqatiginninniarnerup kingorna piffissaliussap imm. 1 aamma 2-mi taaneqartup sivitsorneqarsinnaanera pillugu malittarisassanik aalajangersaasinnaavoq.

Imm. 6. Suliarinninnerit peqqussutip atuutilinnginnerani aallartinneqartut immikkoortoq II-mi suliarinnittarnermut malittarisassat apeqqutaatinnagit ingerlaannarsinnaasut nakkutilliinermik oqartussaasut pisuni immikkut ittuni qinnuteqartoqarneratigut aalajangersinnaavaat.

§ 72. Malittarisassat maannamut atuuttut naapertorlugit akuersilluni nalunaarut
suliarinninnernut inatsisip atuutilernerata kingorna aallartinneqartunut atuuppoq, inatsimmi matumani § 6, nr. 1, § 7, imm. 2, nr. 1, § 8, imm. 2-5, § 11, imm. 2, nr. 2, imaluunniit imm. 3, imaluunniit § 27, imm. 3, nr. 1-ip saniatigut § 3, nr. 8-mi piumasaqaat akuersilluni nalunaaruteqarnermi eqquutsinnejarsimappat.

-
- 1) Aalajangersagaq ima oqaasertaqarpoq: "Inatsit Savalimmiunut atuutinngilaq, kunngilli peqqussutaatigut naalagaaffiup oqartussaasuisa paassisutissanik suliarinninnerannut atuutsinneqalersinnaalluni Savalimmiuni pissutsit immikkut ittut pissutaallutik allaanerussutaasinnaasut tunngavigalugit. Inatsit Kalaallit Nunaannut aamma atuutinngilaq, kunngilli peqqussutaatigut Kalaallit Nunaanni pissutsit immikkut ittut pissutaallutik allaanerussutaasinnaasut tunngavigalugit atuutsinneqalersinnaalluni"